

四庫全書

集部

欽定四庫全書

古樂苑卷四十八

明 梅鼎祚 編

雜歌謠辭

晉諸國附

歌

東皙歌

晉書曰東皙陽平元城人太康中郡界大旱皙為邑人請雨三日而雨注衆為

作歌

東先生通神明請天三日甘雨零我黍以育我稷以生

何以疇之報東長生

育一作萌

徐聖通歌

藝文列晉人中會稽典錄曰徐弘字聖通為汝陰令誅鉏耒築道不拾遺

民乃歌之

徐聖通政無雙平刑罰姦宄空

醇酒歌

拾遺記曰張華為九醞酒以三薇漬麴蘖出西羌麴出北胡胡中有指星麥四

月火星出麥熟穫之蘖用水漬麥三夕而萌芽雞鳴而用之俗呼為雞鳴麥釀酒醇美久含令人齒動若大醉不叫笑搖蕩令人肝腸消爛俗人謂為消腸酒或云醇酒可為長宵之樂聞里歌曰

寧得醇酒消腸不與日月爭光

應詹歌

晉書曰王澄惠帝末為荊州牧假應詹督南平天門武陵三郡軍事天下大亂

詹境獨全

百姓歌之

亂離既普殆為灰朽僥倖之運賴茲應后歲寒不凋孤境獨守拯我塗炭惠隆丘阜潤同江海恩猶父母

并州歌

見趙書樂府廣題曰晉汲桑清河貝丘人力能扛鼎殘忍少恩六月盛暑重裘

累袒使十餘人扇之忽不清涼便斬扇者并州大姓田蘭薄賊斬於平原士女慶賀奔走道路而歌之

士為將軍何可羞六月重茵被狐裘不識寒暑斷人頭

雄兒田蘭為報讐中夜斬首謝并州

孤一作約

襄陽兒童歌

晉書曰山簡字季倫永嘉初為南征將軍出鎮襄陽于時四方寇亂

朝野危懼簡優游卒歲惟酒是耽諸習氏者荆土豪族有佳園池簡每出嬉遊多之池上

置酒輒醉名之曰高陽池時有兒童歌曰

山公出何許往至高陽池日夕倒載歸酩酊無所知時

時能騎馬倒着白接羅舉鞭向葛疆何如并州兒

疆家在并

州簡愛將也

吳人歌

晉書曰鄧攸元帝時為吳郡太守刑政清明百姓歡悅後稱疾去百姓數千人

留牽故船不得進故乃少
停夜中發去吳人歌之

紉如打五鼓鷄鳴天欲曙鄧侯挽不留謝令推不去

豫州歌

晉書曰祖逖元帝時為豫州刺史躬自
儉約督課農桑克已務施不畜資產子

弟耕耘負擔樵薪又收葬枯骨為之祭醢百
姓感悅嘗置酒大會耆老中坐流涕曰吾等
老矣更得父母死將何恨乃
歌曰祖逖別傳作童謠附後

幸哉遺黎免俘虜三辰既朗遇慈父玄酒忘勞甘瓠脯

何以詠思歌且舞

幸哉遺民免豺虎三辰既朗遇慈父
玄酒清醪甘瓠脯亦何報思歌且舞

幸宣城歌

晉書陶汪咸康中為宣城內史招隱
逸廣學舍士民知嚮方者辟為掾史

百姓
歌之

人當勤學得主簿誰復為之陶明府

三明歌

中興書曰諸葛恢字道明避難過江與潁川荀道明閩陳留蔡道明謨俱有名

譽號曰中興三
明時人歌之曰

京都三明各有名蔡氏儒雅荀葛清

都一作師
晉書作語

庾公歌

二首晉書五行志曰庾亮初鎮武昌出至石頭百姓於岸上歌之後連微不入

及薨於鎮以喪還
都葬皆如謠言

庾公上武昌翩翩如飛鳥庾公還揚州白馬牽旒旒

庾公初上時翩翩如飛鳥庾公還揚州白馬牽流蘇作一

車旒

阿子聞歌

晉書五行志曰穆帝升平中童兒輩忽歌於道曰阿子聞曲終輒云云無

幾而帝崩太后哭之曰阿子汝聞不

阿子汝聞不

廉歌

晉書五行志曰升平末俗間忽作廉歌有危謬者聞之曰廉者臨也歌云云内外悲

臨國家其大諱乎少時而穆帝晏駕

白門廉宮庭廉

郝王歌

世說曰郝超王珣並以俊才為桓大司馬所眷珣為主簿超為記室參軍超為

人多鬚珣形狀短小時人為之歌曰

髯參軍短主簿能令公喜能令公怒

晉書作府中語

御路楊歌

晉書五行志曰晉海西公太和中民為此歌曰者金行馬者國族紫為奪

正之色明以紫間朱也海西公尋廢三子非海西公之子繼以馬韁死之明日南方獻甘露

青青御路楊白馬紫游韁汝非皇太子那得甘露漿

鳳皇歌

晉書五行志曰晉海西公生皇子百姓歌之其歌甚美其音甚微海西公不男

使左右向龍與內侍接生子以為己
子一言桓溫將廢海西使為此歌

鳳凰生一雛天下莫不喜本言是馬駒今定成龍子

黃曇歌

晉書曰桓石民為荊州鎮上明百姓忽
歌曰黃曇子曲終又曰云云頃之而桓

石民死王忱為荊州黃曇子乃是王忱
字也忱小字佛大是大佛來上明也

黃曇英揚州大佛來上明

歷陽歌

晉書五行志曰庾楷鎮歷陽百姓
歌之從楷南奔桓玄為玄所殺

重羅黎重羅黎使君南上無還時

樊氏陂歌

樊氏陂庾氏取
之時人歌曰

陂汪汪下田良樊子失業庾公昌

桓玄時小兒歌

吳均續齊諧記曰桓玄篡位後朱雀門中忽見兩小兒通身如

星相和作籠歌云云路邊小兒從而和之者數十人聲甚哀楚日既夕二小兒入建康縣至閭下遂成雙漆鼓槌明年春而桓敗車無軸倚孤木桓字也荊州送玄首用敗籠茵包之又芒繩束縛其屍沈諸江中悉如所歌焉

芒籠茵繩縛腹車無軸倚孤木

從者歌

續安帝紀曰司馬休之兄尚為桓玄所敗休之奔淮泗頗得彼之人心從者為

歌之

可憐司馬公作性甚溫良憶昔水邊戲使我不能忘

懊惱歌

晉書五行志曰安帝隆安中百姓忽作懊惱之歌其曲曰云云尋而桓玄篡位

義旗以三月二日掃定京都誅之玄之宮女及逆黨之家子女妓妾悉為軍賞東及歐越北流淮泗皆人有所獲故言時則草可結事則女可擷也

草生可攬結女兒可攬擷

歌三首

晉書本傳曰嘉死之日人有壘上見之其所造三章歌識事過皆驗金陵志曰

初王子年著識至安帝果為劉氏所代

王嘉

帝諱昌明運當極特申一期延其息諸馬渡江百年中

當值卯金折其鋒

欲知其姓草肅肅穀中最細低頭熟鱗身甲體永興福

南史曰齊太祖高皇帝諱道成姓蕭氏未受命時王子年作此歌按穀中精細者稻也即道也熟猶成也

金刀利刃齊刈之

金刀劉字刈猶剪也

涼州大馬歌

晉書曰張軌永寧初為涼州刺史王彌寇洛陽軌遣北宮屯張纂馬

勦陰濬等率州軍擊破之又敗劉聰于河東京師歌之曰

涼州大馬橫行天下涼州鴟若寇賊消鴟若翩翩怖殺

人

麴游歌

晉紀曰麴允金城人也與游氏世為豪族西州為之歌曰

麴與游牛羊不數頭南開朱門北望青樓

晉書作語

隴上歌

晉書載記曰劉曜圍陳安于隴城安敗南走陝中曜使將軍平先丘中伯率勁

騎追安安與壯士十餘騎於陝中格戰安左手奮七尺大刀右手執丈八蛇矛近交則刀矛俱發輒害五六遠則雙帶鞭服左右馳射而走平先亦壯健絕人與安搏戰三交奪其蛇矛而退遂追斬于澗曲安善於撫綏吉凶夷險與衆同之及其死隴上為之歌曜聞而嘉傷命樂府歌之

隴上壯士有陳安軀幹雖小腹中寬愛養壯士同心肝

驕驄父馬鐵鍛鞍七尺大刀奮如湍丈八蛇矛左右盤
十盪十決無當前戰始三交失蛇矛棄我驕驄竄巖幽
為我外援而懸頭西流之水東流河一去不還奈子何
隴上健兒曰陳安軀幹雖小腹中寬愛養壯士同心
肝驕驄駿馬鐵鍛鞍七尺大刀配齊鐐丈八蛇矛左
右盤十盪十決無當前百騎俱出如雲浮追者千萬
騎悠悠戰始三交失蛇矛十騎俱盪九騎留棄我驕
驄攀巖幽天非降雨追者休阿呵嗚呼奈子何嗚呼

阿呵奈子何

趙書曰劉曜討陳安於隴城安下小將多堅戍不下城內得安死力諶曰云云

與前

小異

關隴歌

拾遺作苻秦時童謠晉書曰苻堅時關隴清宴百姓豐樂自長安至於諸州皆

夾路樹槐柳二十里一亭四十里一驛旅行者取給於途工商貿販於道百姓歌之崔鴻前秦錄曰王猛化洽六州人移風變百姓歌之曰

長安大街夾樹楊槐下走朱輪上有鸞栖英彥雲集誨

我萌黎

苻秦鳳凰歌

崔鴻前秦錄曰永興三年九月鳳皇翔于東郊民因歌之

鳳凰于飛其翼翼淵哉聖后饗齡萬億

一作翊我聖后其齡萬億

符堅時長安歌

晉書載記曰符堅既滅燕慕容冲姊偽清河公主年十四有殊

色堅納之寵冠後庭冲年十二亦有龍陽之姿堅又幸之姊弟專寵宮人莫進長安歌之咸懼為亂王猛切誅堅乃出冲後竟為冲所敗

一雌復一雄雙飛入紫宮

此本漢紫宮諺

索稜歌

崔鴻十六國春秋前秦錄曰索稜字孟則焜煌人好學博聞姚萇甚重之委以

機密文章詔檄皆稜之文也後為平原太守以德化民民畏而愛之歌曰

懿矣明守庶績允釐剖符作宰實獲我思

謠
泰始中謠
晉書曰泰始中人為賈充等謠言亡魏而成晉也

賈裴王亂紀綱王裴賈濟天下
賈充裴秀王沈

南土謠

晉書曰杜預都督荊州舊水道惟沔漢達江陵千數百里無通路又巴丘湖沅

湘之會表襄山川實為險固荆蠻之所恃也預乃開揚口起夏口水道洪洞達巴陵千餘里內瀉長江之險外通零桂之漕南土美而謠曰

後世無叛由杜翁孰識智名與勇功

軍中謠

晉書曰杜預遣周旨伍巢等伏兵樂鄉城外孫歆遣軍出拒旨等發伏兵隨歆

軍而入直至帳下虜歆而還故軍中為之謠曰

以計代戰一當萬

閣道謠

晉書曰潘岳才名冠世為衆所疾泰始十年出為河陽令而鬱鬱不得志時尚

書僕射山濤領吏部王濟裴楷等並為帝所親遇岳內非之乃題閣道為謠

閣道東有大牛王濟鞅裴楷鞅和嶠刺促不得休

閣東有大牛和嶠鞅裴楷鞅王濟剔剔不得休

世說曰山

公以器重朝望年踰七十猶知管時任貴勝年少若和裴王之徒並共宗詠有署閣柱云云或云潘尼作之竹林七賢論曰詩之處選非望路絕故貽足言

蜀民謠

許遜晉武帝太康初為蜀郡旌陽縣令屬歲大疫死者十七八遜以所授神方

拯治之符咒所及登時
而愈蜀民為之謠曰

人無盜竊吏無奸欺我君活人病無能為

童謠

晉書曰石苞既定壽春以威惠服物淮南
監軍王環輕苞素微又聞童謠因是密表

苞與吳
人交通

宮中大馬幾作驢大石壓之不得舒

武帝平吳後童謠

三首宋書五行志曰武帝太
康後江南童謠于時吳人皆

謂在孫氏子孫故竊發為亂者相繼按橫目
者四字自吳亡至晉元帝興幾四十年皆如
童謠之言元帝懦弱而少
斷局縮肉直斥之也

局縮肉數橫目中國當敗吳當復

宮門柱且莫朽吳當復在三十年後

雞鳴不拊翼吳復不用力

惠帝時兒童謠

襄陽耆舊傳曰晉惠帝即位兒
童謠曰云云人河內溫縣有人

如狂造書曰云云楊濟以問蒯欽欽垂泣曰
皇太后諱季蘭兩火武皇帝諱炎字也此言
武皇崩而太皇失尊惟大禍辱終始不以道
不得附山陵乃歸於非所也及太后之見滅
葬於街郵亭皆如其言晉書志曰楊駿居內
府以戟為衛死時又為戟所害傷楊后被廢
賈后絕其膳八日而崩崩
葬街郵亭百姓哀之也

兩火沒地哀哉秋蘭歸形街郵終為人歎

晉書並作溫縣狂書

溫縣狂書

光光文長以戟為牆毒藥雖行戟還自傷

以一作大雖一作即戟一

刃作

惠帝永熙中童謠

晉書五行志曰惠帝永熙中童謠時楊駿專權楚王用事

故言荆筆楊版二人不誅則君臣禮悖故云幾作驢也

二月末三月初荆筆楊版行詔書宮中大馬幾作驢

大一

作人王隱晉書云二月盡三月初桑生闕雪柳葉舒下同

惠帝元康中京洛童謠

二首晉書五行志曰惠帝元康中京洛童謠南

風賈后字也白晉行也沙門太子小字也魯

賈謐國也言賈后將與謐為亂以危太子而

趙王因勢咀嚼豪賢以成

篡奪不得其死之應也

南風起兮吹白沙遙望魯國何嵯峨千歲髑髏生齒牙

一無分字

南風烈烈吹黃沙遙望魯國鬱嵯峨前至三月滅汝

家

賈后傳有此謠與五行志所載不同其後賈謐既誅賈后尋亦廢死宋書五行志是時愍懷頗失衆

望卒以廢黜不得其死焉

城東馬子莫隴叻比至來年纏汝髮

東宮馬子莫聲空前至臘月纏汝髮

悲懷太子
傳紀此謠

惠帝大安中童謠

晉書五行志曰晉惠帝大安中童謠其後中原大亂宗藩

多絕唯瑯琊汝南西陽南頓彭城同至江東而元帝嗣統矣

五馬浮渡江一馬化為龍

浮宋書作游

元康中童謠

晉書五行志曰元康中天下商賈通著大郭日時童謠曰云云及趙

王倫纂位其目實眇焉

屠蘇鄣日覆兩耳當見瞎兒作天子

元康中洛中童謠

晉書五行志曰晉元康中趙王倫既篡洛中有童謠數月

而齊王成都河間義兵同會誅倫按成都西藩而在鄴故曰虎從北來齊東藩而在許故曰龍從南來河間水區而在關中故曰水從西來齊留輔政居于宮西有無君之心故曰

登城看也

虎從北來鼻頭汗龍從南來登城看水從西來河灌灌

著布謠

晉書曰齊王冏字景治趙王倫篡位冏起義兵誅之拜大司馬加九錫政皆決

之而恣用羣小不復朝覲時人謠曰云云遂為長沙王所誅

著布袒腹為齊持服

洛下謠

晉書曰長沙王又武帝第六子也三王舉義又率國應之後見同專權奉天子

攻罔斬之河間王顯與成都王穎同伐京師詔以又為大都督以距顯相持數月東海王越慮事不濟潛收又送金墉城密告張方遣兵就金墉收又又殺之初又執權之始洛下謠曰云云以正月二十五日廢後二日死如謠言

草木萌芽殺長沙

惠帝時洛陽童謠

晉書曰惠帝時洛陽童謠明年而胡賊石勒劉羽反

鄴中女子莫千妖前至三月抱胡腰

蜀郡童謠

元康三年正月歟一夜有火光地仍震童謠曰

郫城堅盎底穿郫中細子李特細

又

江橋頭闕下市成都北門十八字

又

及羅尚在巴郡也又曰尚梁州刺史

巴郡葛當下美巴郡

字疑有誤

又

皮素之西上也又曰素益州刺史

有客有客來侵門陌其氣欲索

蜀人謠

二首晉書曰羅尚字敬之一名仲太康末為荊州刺史及趙厥反于蜀乃假尚

節為平西將軍益州刺史

尚性貪少斷蜀人謠曰

尚之所愛非邪則佞尚之所憎非忠則正富擬魯衛家

成市里貪如豺狼無復極已

晉書作蜀人言曰

蜀賊尚可羅尚殺我

懷帝永嘉初童謠

晉書五行志曰司馬越還洛時童謠也按列傳越既與荀

晞構怨尋詔越為丞相領兖州牧督兖豫司

冀幽并六州越辭丞相不受自許還于鄆城

移屯濮陽又遷于滎陽後自滎陽還洛懷帝

紀曰永嘉三年三月丁巳東海王越歸京師

是也

洛中大鼠長尺二若不早去天狗至

天宋書作大

同前

晉書五行志曰苟晞將破汲桑時有此謠司馬越由是惡晞奪其兖州豫難遂搆焉

按列傳東海孝獻王越字元超懷帝永嘉初出鎮許昌自許昌率苟晞及冀州刺史丁郡討汲桑破之越還于許長史潘滔說之曰兖州天下樞要公宜自牧乃轉苟晞為青州刺史由是與晞有隙

元超兄弟大洛度上桑打椹為苟作

王彭祖謠

晉書曰王浚永嘉中進大司馬待中大都督督幽冀諸軍事會京洛傾覆

浚大樹威令專權橫恣時童謠曰

幽州城門似藏戶中有伏尸王彭祖有狐踞府門翟雉
入聽事

棗郎謠

見王浚傳棗嵩浚之子婿
浚聞責嵩而不能罪之也

十囊五囊入棗郎

愍帝初童謠

晉書五行志曰愍帝初童謠至建
興四年帝降劉曜在城東豆田墜

中

天子何在豆田中

一作天子在何許近在豆田中王
浚在幽州以豆有藿粒隱士霍原

建興中江南謠

晉書五行志曰建興中江南謠
歌按白者晉行坑器有口屬瓮

无寃質剛亦金之類也旬如白坑破者言二
都傾覆王室大壞也合集持作甌者元帝鳩
集遺餘以主社稷未能剋復中原但偏王江
南改其喻也及石頭之事六軍大潰兵人抄
掠京邑爰及二宮其後三年錢鳳復攻京邑
阻水而守相持月餘日焚燒城邑并埋木刈
矣鳳等敗退沈充將其黨還吳興官軍踵之
蹈藉郡縣充父子授首黨與誅者以百數所
謂揚州破換敗吳興覆甌
甌甌甌瓦器又小於甌也

旬如白坑破合集持作甌揚州破換敗吳興覆甌甌呼

宏反坑宋書作阮甌音
武甌音部甌虛斗反

童謠

晉書曰溫嶠滅王敦先是童謠云
云以為賊如韭柳尋得復生也

剪韭剪韭斷楊柳河東小子令我與子

明帝太寧初童謠

晉書五行志曰明帝太寧初童謠及明帝崩成帝幼為蘇

峻所逼遷于石頭御膳不足此大馬死小馬
餓也高山峻也言峻尋死石峻弟蘇石也峻
死後石據石頭尋為諸公所
破是亦山崩石破之應也

側側力力放馬山側大馬死小馬餓高山崩石自破

成帝末童謠

晉書五行志曰成帝之末
童謠少日而宮車晏駕

磕磕何隆隆駕車入梓宮

咸康二年童謠

晉書五行志曰咸康二年十
二月河北謠言後如其言

麥入土殺石虎

晉起居注作麥如土虎晉書作武

吳中童謠

宋書五行志曰晉庾羲在吳郡時吳中童謠無幾而庾羲王洽相繼亡按

晉史穆帝時庾羲為吳興內史王洽為吳郡內史徵拜領軍後皆卒於官義疑即羲也

寧食下湖苻不食湖上蓴庾吳沒命喪復殺王領軍

哀帝隆和初童謠

晉書五行志曰哀帝隆和初童謠朝廷聞而惡之改年曰

興寧民復歌曰云云哀帝尋崩升平五年而穆帝崩不滿斗不至十年也

升平不滿斗隆和那得久桓公入石頭陛下徒跣走

雖復改興寧亦復無聊生

太和末童謠

晉書五行志曰太和末童謠及海西公被廢百姓耕其門以種小麥

犁牛耕御路白門種小麥

京口民間謠

二首晉書五行志曰王恭在京口民間忽有此謠按黃字上恭字頭

也小字恭字下也尋如謠言

黃頭小兒欲作賊阿公在城下指縛得

黃頭小人欲作亂賴得金刀作蕃扞

京口謠

晉書五行志曰王恭鎮京口誅王國寶百姓為此謠按昔年食白飯言得志也

今年食麥餅麥餅麤穢其精已去明將敗也天公將加譴謫而誅之也捻嚙喉氣不通死

之祥也敗復敗丁寧之辭也恭尋
死京都人行咳疾而喉並喝焉

昔年食白飯今年食麥粬天公誅謫汝教汝捻隴喉隴
喉喝復喝京口敗復敗

孝武帝太元末京口謠

晉書五行志曰孝武帝
太元末京口謠尋王恭

起兵誅王國寶旋為劉牢
之所敗故言拉颯棲也

黃雌雞莫作雄父啼一旦去毛衣被拉颯棲

荊州童謠

晉書五行志曰殷仲堪在荊州時童
謠未幾而仲堪敗桓玄遂有荊州

芒籠目繩縛腹殷當敗桓當復

桓玄時小兒
歌首二句同

安帝元興初童謠

宋書五行志曰晉桓玄既篡有此童謠及玄敗走至江陵

五月中誅如其期焉安帝紀桓玄篡位在安帝元興二年十二月也

草生及馬腹鳥啄桓玄目

民謠

志曰時又有民謠云征鐘至穢之服桓四體之下稱玄自下居上猶征鐘之刷歌謠

下體之詠民口也而云落地墜地之祥逆走之言其驗明矣

征鐘落地桓逆走

安帝元興中童謠

宋書五行志曰晉安帝元興中桓玄既得志而有童謠及

玄敗走詣桓悉誅焉郎君司馬元顯也

長干巷巷長干今年殺郎君明年斬諸桓

此歌亦見晉書桓玄傳明

後字作

司馬元顯時民謠

二首宋書五行志曰司馬元顯時民謠詩此詩云襄陽道

人竺曇林所作多所道行於世孟顓釋之曰十一口者玄字象也木亘桓也桓氏當悉走入關洛故云浩浩鄉也金刀劉也倡義諸公多姓劉妮妮美戚貌也

當有十一口當為兵所傷木亘當北度走入浩浩鄉

金刀既以刻妮妮金城中

安帝義熙初童謠

晉書五行志曰安帝義熙初童謠時官養盧龍寵以金紫

奉以名州養之已極而龍不能懷我好音舉
兵內伐遂成讐敵也及敗斬伐其黨如草木
之成積焉按列傳盧循小字元龍元興二年
寇廣州逐刺史吳隱之攝州事號平南將軍
安帝乃假循征虜將軍廣州刺史義熙中劉
裕破循于豫章循走交州為刺史杜慧度所
殺

官家養蘆化成荻蘆生不止自成積

安帝義熙初謠

二首晉書五行志曰盧龍據有廣州民間有謠云云後擁上流

數州之地內逼京輦應天半之言時復有謠言云云龍後果敗不得入石頭

蘆生漫漫竟天半

蘆橙橙逐水流東風忽如起那得入石頭

永嘉中長安謠

晉書曰張寔執之子也執卒授寔涼州刺史進大都督劉曜逼

遷天子寔遣太府司馬韓璞東赴國難璞次南安諸羌斷軍路寔擊破之斬級數千時燕苻陳安寇隴右東與劉曜相持雍秦之人死者十八九初永嘉中長安語曰云云至是驗矣

秦州中血沒腕唯有涼川倚柱觀

脫一作眺觀一作看

西土謠

晉書曰張茂寔之弟太興三年寔既遇害州人推茂平西將軍涼州牧涼州大

姓賈摹寔之妻弟也勢傾西土先是謠曰云云茂以為信誘而殺之於是豪右屏迹咸行

涼域

手莫頭圖涼州

姑臧謠

晉書曰張駿寔之子茂卒駿嗣位大都督大將軍涼州牧西平公駿之立也姑

臧謠曰云云至是而收復河南之地

鴻從南來雀不驚誰謂孤雛尾翅生高舉六翮鳳皇鳴

張沖謠

崔鴻前涼錄曰張沖字長忠燉煌人家財巨萬施之鄉閭時人為之謠曰

推財不疑張長思

龐世謠

趙書曰燕人龐世為光祿勳奏案豪強苛尅人物咸懼疾之及卒門無弔客時

人為之

諺曰

龐家之巷車馬鱗鱗泥丸之日無弔賓弔賓不來何所
因由性苛尅寡所親

張樓謠

崔鴻後趙錄曰張樓為臨水長
嚴政酷刑殘忍無惠人謠之曰

陽平張樓頭如箱見人切齒劇虎狼

洪水謠

亦見崔鴻前秦錄晉書曰苻洪字廣世
畧陽臨渭氏人也先是隴右大雨百姓

苦之謠曰云云故因名洪自稱
大旱于三秦王死偽諡惠武帝

雨若不止洪水必起

苻生時長安謠

二首晉書曰苻生洪之孫嗣父健位僭稱帝初生夢大魚食蒲

又長安謠曰云云東海苻堅封也時為龍驤將軍第在洛門之東生不知是堅以謠言之故誅其侍中魚遵及其子孫時又謠曰云云於是悉壞空城以禳之

東海大魚化為龍男便為王女為公問在何所洛門東

百里望空城鬱鬱何青青瞎兒不知法仰不見天星

生闕

目一

苻堅時長安謠

晉書載記曰苻堅時長安有此謠堅以鳳皇非梧桐不按非竹

實不食乃植桐竹數十萬株于阿房城以待之冲小字鳳皇至是終為堅賊入止阿房城

馬

鳳凰鳳凰止阿房

苻堅時長安謠

晉書曰秦之末亂也長安謠曰云云秦人呼鮮卑為白虜慕容

垂之起于關東歲在癸未

長鞘馬鞭擊左股太歲南行當復虜

復一作避

苻堅初童謠

晉書五行志及堅敗於淝水為姚萇所殺在偽位凡三十年

阿堅連牽三十年後若欲敗時當在江湖邊

傳作江淮間

苻堅時童謠

晉書載記曰苻堅強盛之時國有童謠云云堅聞而惡之每征伐戒

單候云地有名新城者避之後因壽陽之敗其國大亂竟死於新城佛寺

河水清復清苻詔死新城

復一作且秦人稱其君曰詔

鮮卑詔

晉書五行志曰時復有謠歌云識者以為魚羊鮮也田斗卑也堅自號秦言滅

之者鮮卑矣其羣臣諫堅令盡誅鮮卑堅不從及淮南初為慕容沖所攻又為姚萇所殺身死國滅

魚羊田斗當滅秦

國中謠

晉書桓豁聞苻堅國中謠有子二十人皆名石應之及堅敗淝水謝石為都督

誰謂爾堅石打碎

謠言

魏書苻堅南伐至項城弟陽平公融攻壽春克之馳使白堅宜速進軍堅捨大軍於項城兼道赴之遂大敗單騎遁還淮北初謠言曰云云羣臣勸堅停項為六軍聲鎮堅不從

堅不出項

將謠

魏書姚萇與慕容沖合攻苻堅於長安先是謠曰云云堅大信之至五將山姚萇執而縊殺之

堅入五將山萇得

朔馬謠

晉書苻堅故將呂光僭即三河王位光徙西海郡人於諸郡謠曰云云復徙之

河西

朔馬心何悲念舊中心勞燕雀何徘徊意欲還故巢

關東謠

晉書初關東謠曰云云缺慕容垂之本名與苻丕相持經年百姓死幾絕

幽州缺生當滅若不滅百姓絕

燕童謠

晉書曰慕容熙為政暴虐其將馮跋張興皆坐事奔亡結盟推慕容雲為主因

熙出城閉門距守熙夜至龍城攻北門不克為雲所執弑之時義熙二年也初童謠曰云云藁字上有草下有禾兩頭然則禾草俱盡而成高字雲父名拔小字秃頭三子而雲季也熙竟為雲所滅

一束藁兩頭然禿頭小兒來滅燕

大風謠

晉書載記曰慕容寶嗣位以慕容德為都督冀兗六州諸軍事鎮鄴會魏師入

中山寶出奔于薊時有謠曰云云
於是德之羣臣勸德僭號稱元

大風蓬勃揚塵埃八井三刀卒起來四海鼎沸中山頽

惟有德人據三臺

諺王公語

王祥別傳曰晉受禪時廊廟之士莫不歡容而祥色不加怡時人為之語曰

王公恨恨有送故之情也

裴秀語

虞預晉書曰秀字季彥河東聞喜人父潛魏太常秀有風操八歲能著文叔父

徽有聲名秀年十餘歲有賓客
詣徽出則過秀時人為之語曰

後進領袖有裴秀

進一作來

石仲容

晉書曰石苞字仲容渤海南皮人也雅曠有知局容儀偉麗故時人為之語曰

石仲容姣無雙

渤海

晉書曰歐陽建字堅石世為冀方碩族雅有理思才藻美贍擅名北州人為之語曰

渤海赫赫歐陽堅石

劉功曹

王隱晉書曰劉毅字仲雄僑居平陽太守杜恕逼迫舉毅為功曹月餘日沙汰

郡吏百餘人三魏稱焉為之語曰

但聞劉功曹不聞杜府君

諺

晉書陳留相樂安孫尹表曰劉毅前為司隸直法不撓當朝之臣多所按劾諺曰

受堯之誅不能稱堯

語

晉書劉頌字子雅廣陵人漢廣陵厲王胥之後也世為名族同郡有雷蔣穀魯四姓皆出

其下時人為之語曰

雷蔣穀魯劉最為祖

崔左丞語

晉書曰崔洪字伯良博陵安平人以清厲顯名武帝世為御史治書朝廷

憚之尋為尚書左丞時人為之語曰

叢生棘刺來自博陵在南為鷄在北為鷹

舊作歌

諺

晉書元康之後魯褒傷時貪鄙乃著錢神論引諺曰

錢無耳可閤使

成公綏亦有錢神論引諺曰錢無耳可使鬼

貂不足

晉書曰趙王倫僭位諸黨皆登卿並列大封其餘同謀者咸超階越序不可

勝紀至於奴卒厮役亦加爵位每朝會貂蟬盈坐時人諺曰

貂不足狗尾續

四部司馬

魏畧曰成都王穎伐長沙王又募免奴為軍自稱四部司馬市郭人素謬

語奴為高故里語曰

三部司馬階下兵四部司馬尚長明欲知太平須石鼈鳴

江應元

晉書曰江統字應元陳留圉人也靜默有遠志時人為之語曰

巍然稀言江應元

二王

晉書羊祜傳曰王衍嘗詣祜陳事辭甚俊辨祜不然之衍拂衣而起祜顧謂賓客曰

王夷甫方以盛名處大位然敗俗傷化必此人也步聞之從祜以軍法將斬王戎故戎衍並憾之每言論多毀祜時人為之語曰

二王當國羊公無德

衛玠

晉書曰瑯琊王澄有高名少所推服每聞衛玠言輒歎息絕倒故時人爲之語曰

衛玠談道平子絕倒

玠別傳前後三開爲之三倒時人語曰衛君談道平子三倒

慶孫越石

晉書曰劉興字慶孫萬朗有才局與弟琨名著當時京都爲之語曰

洛中奕奕慶孫越石

越石琨字

洛中諺

三首

洛中雅雅有三嘏

世說曰劉粹字純嘏宏字終嘏漢字冲嘏是親兄弟王安豐甥並是王安

豐女婿宏

真長祖也

洛中錚錚馮惠卿

惠卿名藻是播子藻與邢喬俱司徒李膺外孫及膺子順並知名時稱馮

才清李才
明純粹邢

洛中英英荀道明

晉書曰荀闡字道明有名稱京都為之語英英晉中興書作奕奕

王與馬

晉書曰元帝以王敦為揚州刺史加廣武將軍尋進左將軍都督征討諸軍事

假節帝初鎮江東威名未著敦與從弟導同心翼戴以隆中興時人為之語曰

王與馬共天下

幼輿語

晉書列傳曰謝鯤字幼輿通簡有高識任達不拘鄰家高氏女有美色鯤嘗挑

之女投梭折其兩齒時人為之語曰云云鯤聞之傲然長嘯曰猶不廢我嘯歌

任達不已幼輿折齒

郝王語

晉書曰王坦之字文度弱冠與郝超俱有重名時人爲之語曰云云嘉賓超小

也字

盛德絕倫郝嘉賓江東獨步王文度

一作揚州獨步王文度後來出人郝

嘉賓

大才槃槃謝家安江東獨步王文度盛德日新郝嘉賓

王羊語

沈約云羊敬元尤長隸書子敬之後可以獨步時人語曰敬元羊欣字

買王得羊不失所望

王僧珍

晉書曰王珣字季琰少有才藝善行書與兄珣並有名聲出珣右故時人爲之

語曰

法護非不佳僧珍難為兄

法護珣小字僧珍珉小字

殷往嗣

殷典通語曰殷禮字往嗣七歲就官學書在師未嘗戲弄行在舟車手不釋卷

從曲阿往返遂不知隄瀆廣徒及行旅喧鬧時人語曰

奇才強記殷往嗣

諺

晉書涼從事中郎張顯上疏諫後主欲引諺曰云云今狐上南門亦災之大也又狐者胡

也天意若曰將有胡人居於此城南面而居者也

野獸入家主人將去

五龍一門

崔鴻前涼錄曰辛攀字懷遠隴西狄道人父爽尚書郎兄鑒曠弟寶迅皆

以才識知名泰雍為之語曰

五龍一門金友玉昆

長安語

魏書初堅之未亂也關中土然無火而煙氣大起方數十里月餘不滅堅每臨

聽訟觀令民有怨者舉煙於城北觀而錄之長安為之語曰

欲得必存當舉煙

二梁

崔鴻前秦錄曰梁譙字伯言博學有雋才與弟熙俱以文藻清麗見重一時人為之

語曰

關東堂堂二申兩房未若二梁瓌文綺章

符雅語

秦書曰尚書令符雅為人樂施乞人填門嘗曰天下物何常吾今日富後日貧

耳忽一日不施則意不泰時人為之語曰

不為權異富寧作符雅貧

五權

晉書載記曰慕容越時公孫五樓為侍中尚書專總朝政王公內外無不憚之尚書

都令史王儼詣事五樓還尚書郎出為濟南太守入為尚書左丞時人為之語曰

欲得侯事五樓

太保語

崔洪蜀李雄錄曰雄異母兄始字伯敬為太保善撫士衆衆多歸之時人為之

語曰

欲養老屬太保

書版語

蜀書成熙二年夏己郡文立從洛陽還蜀見譙周周語次因書版示立曰云云

典午者謂司馬也月酉者謂八月也至八月而文王果崩

典午忽兮月酉沒兮

識

晉書初元明世郭璞為識曰云云謂成帝有子而以國祚傳弟

君非無嗣兄弟代禪

又

有人姓李兒專征戰譬如車軸脫在一面

兒者子也李去子木存車

去軸為亘合
成桓字也

又

爾來爾來河內大縣爾來謂自爾已來為元始

溫字元子也故

河內大縣溫也成康既
崩桓氏始大故連言之

又

賴子之薨延我國祚痛子之隕皇運其暮

二子者元子道子也溫志

在篡奪事未成而死幸之也會稽王道子雖
首亂晉國而其死亦晉衰之由也故云痛也

父老書

魏書世祖以沮遜牧健在涼州雖稱蕃致貢而內多乖戾於是親征城敗釋之

初太延城中有一父老投書於敦煌城東門忽然不見其書一紙八字文曰云云又於震電之所得石丹書曰云云牧健立果七年而滅

涼王三十年若七年

河西河西三十年破帶石樂七年

帶石山名在姑臧南山北傍

玉版文

晉書慕容儁以永和八年僭即皇帝位初石季龍使人探策於華山得玉版文

云云及此燕人咸以為偽之應也

歲在申酉不絕如綫歲在壬子真人乃見

識文

晉書姚興太史令高魯遣其甥王景暉送玉璽一組并圖識秘文與慕容德羣臣因

勸德即

尊號

有德者昌無德者亡德受天命柔而復剛

譙周識

魏書實人李特與弟流據蜀自稱大都督特少子雄僭稱帝特至勢為晉拒溫

所滅先是譙周云我死後三十年當有異人入蜀由之而亡蜀亡之歲去周亡三十二年周又著識曰云云卒如其言

廣漢城北有大賊曰流曰特攻難得歲在玄宮自相尅

時人語

高僧傳曰釋道溫姓皇甫安定朝那人高士謚之後也年十六入廬山依遠公

受學大明中勅為都邑僧主累當講任粟位
之寶填委相屬精勤導物數感神異帝悅之
賜錢五十萬時人為之語曰按
大明是宋孝武帝詩紀附晉疑悞

帝王傾財溫公率則上天懷感神靈降德


時人語

又曰釋慧靜姓王東阿人少游學伊洛
之問晚歷徐兗容甚黑而識悟清遠時

洛中有沙門道經亦解邁當世與
靜齊名而耳甚長大故時人語曰

洛下長大耳東阿黑如墨有問無不酬有酬無不答
詩紀

附晉



古樂苑卷四十八

欽定四庫全書

集部

古樂苑卷四十九

詳校官編修_臣李充棟

主事銜_臣徐以坤覆勘

總校官降調編修_臣倉聖脉

校對官主事_臣陳文樞

謄錄監生_臣鄧洪繼

欽定四庫全書

古樂苑卷四十九

明 梅鼎祚 編

禠歌謠辭

諺語附南北朝

宋

歌 檀道濟歌

異苑曰檀道濟元嘉中鎮尋陽十二年入朝與家分別顧瞻城闕歔歔逾

深識者是知道濟之不南旋也故時人為其歌以十二年三月伏誅

主人作死別荼毒當奈何

宋人歌

檀道濟宋之良將有威名為敵所畏
宋主疑而殺之時人哀而作歌曰

可憐白浮鳩枉殺檀江州

謠

跋扈謠

宋書武帝紀曰諸葛長民貪淫驕縱帝
每優容之劉毅既誅長民懼禍及將謀

作亂帝自江陵還長民到門引前却人間語
帝已密命左右丁昨自慢後於坐拉焉死牀
側輿屍付廷尉昨驍
勇有力時人語曰

勿跋扈付丁昨

謝靈運謠

宋書五行志曰陳郡謝靈運有逸才
每出入自扶接者常數人民間謠曰

四人挈衣裾三人捉坐席

元嘉中魏地童謡

南史曰宋元嘉二十七年魏太武帝圍汝南成大帝遣臧

質北救至盱眙太武已過淮自廣陵返攻攻盱眙就質求酒質封洩便與之且報書云不聞童謡言耶虜馬飲江水佛狸死卯年冥期使然非復人事爾智識及衆豈能勝苻堅耶頃年展爾陸梁者是爾未飲江太歲未邠耳時魏地有童謡故質引之云

輶車北來如穿雉不意虜馬飲江水虜主北歸石濟死虜欲渡江天不徙

大明中謡

南史曰大明中有奚顯度者為員外散騎侍郎孝武嘗使主領人功而苛

虐無道動加捶撻暑雨寒雪不聽暫休人不堪命時建康縣考囚或用方材壓額及踝脛

故民間有此謠又相戲易
反顧付奚度其暴酷如此

寧得建康壓額不能受奚度拍

王張謠

南史曰明帝以王景文外戚貴盛張永累經軍旅疑其將來難信乃自為謠言

一士不可親弓長射殺人

泰始中童謠

南齊書五行志曰明帝殺建安王休仁蘇侃云後從帝自東城即位

東城出天子

武進縣上所居東城里也

禾絹謠

南史曰宋明帝時阮佃夫楊運長王道隆皆擅威權言為詔敕郡守令長一缺

十除内外混然官以賄命王阮家富于宮室中書舍人胡母穎專權奏無不可時人語曰

云云禾絹
謂上也

禾絹閉眼諾胡毋大張索

元徽中童謡

齊書五行志曰元徽中童謡後沈攸之反雍州刺史張敬兒襲江陵

殺攸之子
元填等

襄陽白銅蹄郎殺荊州兒

童謡

南史曰齊高帝輔政袁粲劉彥節王蘊等皆不同而沈攸之又稱兵反粲蘊雖敗攸

之尚存卞彬意猶以高帝事無所成乃謂帝曰比聞謡云云公頗聞不時蘊居父憂與粲同死故云尸著服也服衣也孝子不在日代哭者褚子也彬謂沈攸之得志褚彥回當敗

故言哭也列管謂簫也高帝
不悅及彬退曰彬自作此

可憐可念尸著服孝子不在日代哭列管誓鳴死滅族

宋時謠

南史曰宋時用人非實有謠云通典齊
梁之末多以貴遊子弟為之當時諺曰

上車不落為著作體中何如作秘書

隋書作梁世諺
為字一並作則

諺

語

南史入關之功鎮惡為首沈田子與鎮惡爭
功武帝將歸留田子與鎮惡私謂田子語曰

云云卿等十餘人何懼王
鎮惡故二人常有猜心

猛獸不如羣狐

京邑語

宋書安成公何勗臨汝公孟靈休並各
奢豪以有膳器服車馬相尚京邑語曰

安成食臨汝飾

諺

宋書顏延之為庭誥之文引諺曰

富則盛貧則病

顏竣

宋書曰顏竣為吏部尚書留心選舉任遇既隆奏無不可後謝莊代竣意多不行竣

容貌嚴毅莊風安甚美賓客喧訴常惟笑荅之時人語曰

顏竣嗔而與人官謝莊笑而不與人官

將士語

宋書王玄謨傳曰玄謨性嚴刻少恩而將軍宗越御下更奇酷軍士為之語曰

寧作五年徒不逢王玄謨玄謨猶自可宗越更殺我

鬪場語

南史曰有惠嚴惠議道人並住東安寺學行精整為道俗所推時鬪場寺多禪

師都下為

之語曰

鬪場禪師窟東安談議林

石城語

南史曰袁粲謀舉兵誅齊高帝褚淵發其謀粲兵敗遇害淵獨輔政百姓語曰

可憐石頭城寧為袁粲死不作褚淵生

南史本傳褚淵作彥回

二王語

南史曰宋德既衰齊高帝輔政朝野之人情懷彼此吏部尚書王延之尚書令

王僧虔中立無所去就時人語曰

二王居平不送不迎

居齊書作持

王遠

蕭子顯齊書曰王孫祐父遠為光祿勳宋世為之語曰

王遠如屏風屈曲從俗能蔽風露

識

南史宋武帝紀雍州刺史魯宗之負力好亂且慮不為帝容常為識曰云云

魚登日輔帝室

識

宋書符瑞志

二口建戈不能方兩金相刻凝神鋒空冗無主奇入中

女子獨立又為雙

走子河洛識二口建戈劉字也晉氏金行劉姓又有金故曰兩金相刻空

穴無主奇入中為寄字女子獨立又為雙奴字按宋武帝姓劉小字寄奴

上五盡寄致太平草付合成集羣英

劉向識武帝小諱
寄奴太子諱義符

金雌詩

大火有心水抱之悠悠百年是其時

火宋之分野
水宋之德也

云出而雨漸欲舉短如之何乃相岨交哉亂也當何所

唯有隱巖殖禾黍西南之朋困桓父

兩云玄字也短者
云祚短也巖隱不

見唯應見谷殖禾黍邊則聖諱炳明也易曰西南
得朋故能困桓父也武帝名裕起兵討桓玄誅之

齊

歌

永明初歌

齊書五行志曰永明初百姓歌後句
間云陶郎來白者金色馬者兵事三

年妖賊唐寓之
起言唐來勞也

白馬向城啼欲得城邊草

東昏時百姓歌

金陵志曰齊東昏侯即臺城閱武堂為芳樂苑山石皆塗以彩

色跨池水立紫閣諸樓觀又於苑中立店肆以潘妃為市令于時百姓歌云

閱武堂種楊柳至尊屠肉潘妃沽酒

蘇小小歌

一曰錢塘蘇小小歌樂府廣題曰蘇小小錢塘名倡也蓋南齊時人西陵

在錢塘江之西歌云西陵松柏下是也

妾乘油壁車郎騎青驄馬何處結同心西陵松柏下

謠
永明中虜中童謠

南齊書五行志曰尋而京師人家忽生火赤于常火熱小

微貴賤爭取以治病後梁以火德興

黑水流北赤火入齊

南史載魏地謠言云赤火南流喪南國是歲有沙門從北齊此火而

至

永元元年童謠

齊書五行志曰永元元年童謠千里流者江右也東城遙光也

遙光夜舉事垣歷生者烏皮袴褶徃奔之跛脚亦遙光老姚子孝字之象徐孝嗣也

洋洋千里流流娶東城頭烏馬烏皮袴三更相告訴脚

跛不得起誤殺老姚子

永元中童謠

齊五行志曰永元中童謠云云識者解云陳顯達屬豬崔慧景屬馬

非也東昏侯屬豬馬子未詳梁王屬龍蕭穎胄屬虎崔慧景攻臺頓廣莫門死時年六十

三鳥集傳舍即所謂瞻烏爰止于誰之屋三八二十四起建元元年至中興二年二十四

年也推折景陽樓亦高臺傾之意也言天下將去乃得休息

野豬雖嗥嗥馬子空閭渠不知龍與虎飲食江南墟七

九六十三廣莫人無餘烏集傳舍頭令汝得寬休但看

三八後推折景陽樓

楊婆兒謠

魏書齊主昭業令女巫楊氏禱祝速求天位楊氏子珉亦有美貌何氏猶

愛悅之昭業呼楊氏為婆劉氏以來民間作
楊婆兒歌蓋為此也唐書樂志楊叛兒本童
謠歌齊隆昌時女巫之子楊旻隨母入內為
何后寵童謠云楊婆兒語訛遂成楊叛兒
楊婆兒共戲來所歡

鄉里謠

南史齊受禪張敬兒歷遷車騎將軍心
自疑畏誘說部曲自云貴不可言又使

于鄉里為謠言使小兒輩歌云武帝疑有
異志誅之敬兒家在冠軍里宅前地名赤谷

天子在何處宅在赤谷口天子是阿誰非猪如是狗

山陰謠

南史曰邱仲孚為山陰令居職甚有聲
稱百姓為此謠前世傳珠父子沈憲劉

玄明相繼宰山

陰並有政績

二傳沈劉不如一丘

諺

時人語

南齊書上嘉荀伯玉盡心愈見親信軍國密事多委使之時人為之語曰

十勅五令不如荀伯玉命

夢語

南齊書初太祖在淮南荀伯玉假還廣陵夢上廣陵城南樓上有二青衣小兒語伯

玉云云伯玉視城下人頭上皆有草

草中肅九五相追逐

桓康語

南史曰桓康蘭陵人也隨武帝起兵推堅臨陣膂力絕人江南人畏之高帝鎮

東府除武陵王中兵寧朔將軍常侍衛左右帝誅黃回使康數回罪然後殺之時人語曰

欲俛張問桓康

長沙王語

南史曰長沙威王晃高帝四子也少

守晃便弓馬初沈攸之事起長沙威王晃多從武容赫奕都街時人為之語曰

煥煥蕭四繖

時人語

南齊書永明末京邑人士咸為文章談義皆湊竟陵王西邸劉繪為後進領袖

時張融音旨緩韻周顒辭致綺捷繪言吐又頓挫有風氣時人為之語曰云云言在二家之中也

劉繪貼宅別開一門

都人語

南史曰永明末都下人士咸為文章談義皆湊竟陵西邸劉繪後進領袖時張

融言詞辯捷周顒彌為清綺而繪音采不贍麗雅有風則時人為之語言繪處二人間也

三人共宅夾清漳張南周北劉中央

俗諺

南齊書顧憲之上疏言永興諸暨公私殘盡倘值水旱實不易念俗諺云云會稽舊

稱沃壤今猶若此吳興本是瘠土因循餘弊誠宜改張

會稽打鼓送卹吳興步擔令史

諺

南史齊卞彬仕既不遂作蚤蟲賦序曰蟲有諺言

朝生暮孫

都下語

南史齊東昏時左右應勅捉刀之徒並專國命人間謂之刀勅都下為之語曰

欲求貴職依刀勅須得富豪事御刀

差山語

南史曰沈麟士隱居餘不吳差山講經教授從學士數十百人各營屋宇依止

其側時人為之語曰

差山中有賢士開門教授居城市

一有吳字

老子河洛識

四首

年歷七七水滅緒風雲俱起龍蛇舉

南齊書祥瑞志曰宋水德王義熙十

四年元熙二年永初三年景平二年元嘉三十年孝建三年大明八年永光二年泰始七年泰豫元年元徽昇

明三年凡七十七
年故曰七七也

肅草成道德懷書備出身形法治吳出南京

上即姓諱也南京南

徐州治
京口也

壇塢河梁塞龍淵消除水災泄山川

壇塢河梁為路也路即道也淵塞者

譬路成也即太祖諱也消水災言除宋氏患難也

上參南斗第一星下立草屋為紫庭迎龍之岡梧桐生

鳳鳥舒翼翔且鳴

南斗第一星吳分也草屋蕭字也又蕭管之器像鳳鳥翼也

天子何在草中宿

宿肅也

王子年歌

三首後二首
書其屋壁

金刀治世後遂苦帝王昏亂天神怒災異屢見戒人主

三分二叛失州主三王九江悉在吳餘悉稚小早少孤

一國二主天所驅

金刀劉也三分二叛宋明帝世也三王九江者孝武于九江興晉安王亦

稱大號世祖又於九江基霸跡一在吳謂齊氏泰梓寄治南吳一國二主謂太祖符運潛興為宋氏驅除寇難

三禾慘慘林茂萼金刀利刃齊刈之

金刀劉氏
刈剪也

欲知其姓草肅肅穀中最細低頭熟鱗身甲體永興福

穀道熟成又諱也太祖體有龍鱗斑駁成文始謂是黑厯治之甚至而文愈明

金雄記 二首

鑠金作刀在龍里占睡上人相須起

當復有作肅入草

肅字也記入云草門可憐乃當入建號不成易運沸

梁

洛陽歌

南史曰大通初武帝遣颺勇將軍陳慶之送魏北海王元顥還北主轉戰而前

連破魏軍慶之麾下悉著白袍所向披靡先是洛陽人歌云後果驗

名軍大將莫自勞千兵萬馬避白袍

梁書云洛陽童謡軍作師勞作牢

始興王歌

南史曰梁始興忠武王憺為都督荊州刺史時天監初軍旅之後公私匱

乏憺屬精為政廣開屯田減省力役供其窮困辭訟者皆立待符教決於俄頃曹無留事下無滯獄後徵還朝而民歌之荆土方言謂參為父故云

始興王人之參赴人急如水火何時復來哺乳我

參徒我反

北軍歌

南史曰梁臨川靜惠王宏為揚州刺史天監中武帝詔都督諸軍侵魏所領皆

器甲精新軍容甚盛軍次洛口前軍寇梁城宏聞魏援近畏懦不敢進欲議還師呂僧珍曰知難而退不亦善乎柳玘等不從魏人知其不武遺以巾幘北軍乃歌云云

不畏蕭娘與呂姥但畏合肥有韋武

韋武敵也

雍州歌

南史南平王偉子怡為雍州刺史年少未嫻庶務百姓每通一辭數處輸錢方

得聞徹賓客江仲舉蔡遂王臺卿庾仲容並
有蓄積民間歌之後達武帝帝因接末句云

江千萬蔡五百王新車庾大宅主人憤憤不如客

夏侯歌

梁書曰夏侯夔為豫州刺史于蒼陵立
堰溉田千餘頃境內賴之夔兄亶先居

此任兄弟並有
恩惠百姓歌之

我之有州賴彼夏侯前兄後弟布政優優

彼一作得賴
彼一作頻仍

鄱陽歌

南史曰陸襄吳郡人為鄱陽內史先是
郡人鮮于琮反攻郡襄遣兵破之生獲

琮時鄰郡按琮黨與因求貨賄皆不得其實
或有善人盡室罹禍唯襄郡枉直無濫人歌

之
曰

鮮于抄後善惡分人無橫死賴陸君

梁書民無橫死賴有陸君抄一作平

同前

南史曰郡人有彭李二家先用忿爭遂相誣告襄引入內室不加責誚但和言解喻

之二人感恩深自悔咎乃為設酒食令其盡歡酒罷同載而還因相親厚人又歌曰

陸君政無怨家鬪既罷置其車

瞿塘行人歌

南史曰庾子興新野人有孝性丁母憂哀至輒嘔血父卒於蜀子興

哀痛將絕奉喪還鄉秋水猶壯巴東有淫預石高出二十許丈及秋至則繞如見次有瞿

塘大灘行旅忌之部伍至此石猶不見子興撫心長叫其夜五更水忽退減安流南下及

渡水復舊行人為之歌曰

淫預如幙本不通瞿塘水退為庾公

一作語

謹

北方童謡

南史曰梁武帝時魏降人王足陳計求堰淮水以淮壽陽足引北方童謡

曰云云帝發淮陽戶丁及戰士二十萬築之以康絢督其事南起浮山北抵峴石堰成長九里高二十丈夾堤并樹杞柳軍人安堵其上魏軍竟潰而歸水之所及方數百里魏壽陽城戍稍徙頓八公山

荆山為上格浮山為下格潼沱為激溝併灌鉅野澤

梁武帝時謡

南史曰梁武帝天監元年十一月立長子統為皇太子時民間有謡

按鹿子開者反語為來子哭也後太子果薨是時長子歡為徐州刺史以嫡孫次應嗣位

而帝意在晉安王猶豫未決及立晉安王為皇太子而徵止封豫章郡王還任謠言心徘徊者未定也城中諸少年逐歡歸去來者復還徐方之象也統即昭明太子也

鹿子開城門城門鹿子開當開復未開使我心裏回城中諸少年逐歡歸去來

雍州童謠

南史蕭範武帝從子都督雍州刺史時論範欲為賊又童謠云然卒無驗

莫忽忽且寬公誰當作天子草覆車邊已

大同中童謠

南史曰侯景渦陽之敗遣人求錦朝廷給之青布其後皆用為袍色

尚青景乘白馬青絲為轡欲以應謠

青絲白馬壽陽來

侯景時童謠

南史曰侯景既尅建鄴修飾臺城及朱雀宣陽等門童謠曰

的脰烏拂朱雀還與吳

三國典畧作白頭烏

脫青袍著芒屨荊州天子挺應著

侯景即位童謠曰

江陵謠

南史曰侯景既誅傳首至江陵元帝命臬于市三日然後煮而漆之以付武庫

先是江陵謠言景首既至元帝付李季長宅宅東即苦竹町也既加鼎鑊即用市南水馬

苦竹町市南有好井荊州軍殺侯景

梁童謠

南史曰臨賀王正德與侯景同逆百姓至聞臨賀郡名亦不欲道童謠云云

寧逢五虎入市不欲見臨賀父子

北童謠

南史曰齊遣柳達摩領兵侵梁陳霸先命侯安都敗之達摩謂衆曰頃在北童

謠云云侯景服青已倒于此
今吾徒衣黃豈謠言驗耶

石頭擣兩襠擣青復擣黃

童謠

南史曰梁兵既勝齊兵中以賞俘
賀酒者一人裁得一醉先是童謠

虜萬夫入五湖城南酒家使虜奴

梁末童謠

南史曰梁末有童謠及王僧辯滅說
者以為僧辯本乘巴馬以擊侯景馬

上郎王字也塵謂陳也江東謂殺羊角為
阜英隋氏姓楊楊羊也言陳終滅於隋也

可憐巴馬子一日行千里不見馬上郎但有黃塵起黃塵汚人衣阜英相料理

府中謠

南史徐君倩為梁湘東王鎮西諮議參軍頗好聲色侍妾數十皆佩金翠曳羅綺時襄陽魚弘亦以豪侈稱于是府中謠曰

北路魚南路徐

諺

南州語

南史曰江革為尋陽太守清嚴為屬城所憚正直自居不與典籤趙道智坐道

智還都啟事誣奏革墮事好酒以瑯琊王曇聰代為行事南州士庶為之語曰

故人不道智新人佞散騎莫知度不度新人不如故

省中語

南史曰賀琛領尚書左丞參禮儀事每進見武帝與語常移晷刻故省中語云

上殿不下有賀雅

琛容止閒雅故時人呼之

王彬語

南史曰王彬好文章習篆隸與志齊名時人為之語曰

三真六草為天下寶

湘東王

梁元帝金樓子曰余後為江州副君賜報曰京師有語云

論議當如湘東王士官當如王克

克時始為僕射領選也

時人語

梁書王筠與從兄泰齊名陳郡謝覽覽弟舉亦有重譽時人為之語曰

謝有覽舉王有養炬

炬是泰養即筠並小字也

三何語

二首南史曰何思澄與宗人遜及子朗俱擅文名時人語曰云云思澄聞之曰

此言誤耳如不然固當歸遜思澄意謂宜在已也

東海三何子朗最多

人中爽爽有子朗

子朗字世明有才思

兩雋語

南史曰何晏少聰明時蘭陵蕭春亦雋才住青陽巷晏住白楊頭時人為之語

世有兩雋白楊何晏青陽蕭春

鮑佐語

南史曰鮑正為湘東王五佐好交遊無日不適人人為之語曰

無處不逢烏噪無處不逢鮑佐

識詩

隋書五行志曰梁天監三年六月八日武帝講於重雲殿沙門誌公忽然起儻歌樂

須臾悲泣賦五言詩梁自天監至于大同三十餘年江表無事至太清二年臺城陷帝享國四十八年所言五十裏也太清元年八月十三而侯景自懸弧來降在丹陽之北子地帝感朱异之言以納景景之作亂始自戊辰之歲至午年帝憂崩

樂哉三十餘悲哉五十裏但看八十三子地妖災起佞臣作欺妄賊臣滅君子若不信吾言龍時侯賊起且至馬中間銜悲不見喜

又

南史梁武帝紀曰天監中沙門釋寶誌為詩帝使周捨封記之及中大同元年同泰寺災

帝啟封捨手迹為之流涕帝生于甲辰三十
八尅建鄴之年也遇災歲實丙寅八十三矣
四月十四日而火起始自浮屠
第三層三者帝之昆季次也

昔年三十八今年八十三四中復有四城北火酣酣

又二首

南史曰天監十年四月八日誌公於大
會中作詩狗子景小字山家小兒猴狀

景遂履陷都邑初自懸弧來降即昔之汝南
也巴陵有地名三湘景奔敗處其言皆驗

掘尾狗子自發狂當死未死齧人傷須臾之間自滅亡

起自汝陰死三湘

陰一作際

兀尾狗子始著狂欲死不死齧人傷須臾之間自滅

亡患在汝陰死三湘橫尸一旦無人藏

見隋書五行與前小異

山家小兒果攘臂太極殿前作虎視

詩識

隋書五行志曰天監中茅山隱士陶弘景為五言詩云云及大同之季公卿唯以談

玄為務夷甫平叔朝賢也
侯景作亂遂居昭陽殿

夷甫任散誕平叔坐談空不言昭陽殿忽作單于宮

陳

歌

齊雲觀歌

隋書曰陳後主造齊雲觀國人歌之功未畢而為隋師所虜

齊雲觀冠來無際畔

謠

陳初謠

見李商隱梁詞人麗句

御路種竹篠蕭蕭已復起合盤貯蓬塊無復揚塵已

陳初謠言

見梁詞人麗句

日西夜烏飛拔劍倚梁柱歸去來兮歸山下

江東謠

陳書曰初有童謠云云其後陳主果為韓擒虎所敗擒虎本名擒虎黃斑之謂也

破

建康之始復乘青驄馬往反時節皆相應

黃斑青驄馬發自壽陽溪來時冬氣未去日春風始

謠

張種語

陳書曰張種少恬靜居處雅正不妄交遊傍無造請時人為之語曰

宋稱敷演梁則卷充清處學尚種有其風

二賀歌

唐書曰賀臨仁越州山陰人在陳與兄德基師事周弘正以文辭稱人為語曰

學行可師賀德基文質彬彬賀德仁

北魏

歌
咸陽王歌

北史曰後魏景明中咸陽王禧謀逆伏誅後宮人為之歌其歌遂流于江

表北人之在南者聞
弦管奏之莫不灑泣

可憐咸陽王奈何作事誤金牀玉几不能眠夜踏霜與

露洛水湛湛彌岸長行人那得渡

夜踏霜與露一作夜起踏霜露

裴公歌

北史曰裴俠大統中為河北郡守躬履儉素愛民如子郡舊有漁獵夫三十人

以供郡守俠曰以口腹役人吾所不為也悉罷之又丁三十人供郡守役俠亦不私並收庸為市官馬歲時既積馬遂成羣去職之日一無所取民歌之云

肥鮮不食丁庸不取裴公貞惠為世規矩

謠 虜中謠

宋書虜中謠言魏主肅甚惡之瀘水人蓋吳於杏城天台舉兵反遣擊之輒敗

滅虜者吳也

趙郡謠

北史曰後魏李魯道武時為趙郡太守令行禁止并州丁零數為山東害知魯

能得百姓死力不敢入境賊於常山界得一死鹿賊長謂趙郡地也責之還令送鹿故處

其見憚如此
郡人為之謠

詐作趙郡鹿猶勝常山栗

二拔謠

北史曰永熙二年竇泰破余朱榮神武
入洛余朱仲部下都督張子期自滑臺
歸命神武斬之斛斯椿由是不安乃與南陽
王寶炬等搆神武于魏帝故魏帝心戴于賀
拔岳初存明之時洛下以兩拔相擊謠言云
云好事者以二拔謂拓拔賀拔言俱將衰之
兆

銅拔打鐵拔元家世將末

曲堤謠

二首北史曰後魏宋世良孝莊時為清
河太守才識嫺明尤善政術郡東南有

曲堤成公一姓阻而居之羣盜多萃于此人為之語曰云云世良施八條之制盜奔他境

人又謠

曰云云

寧度東吳會稽不歷成公曲堤

曲堤雖險賊何益但有宋公自屏跡

河東謠

北史元淑魏宗室為河東太守俗多商賈罕事農桑淑下車勸課謠曰

秦州河中杼柚代春元公至止田疇始理

洛中童謠

二首北史曰余朱彥伯節閔帝時封博陵郡王位侍中及張勸等掩襲余

朱世龍神武執彥伯與世龍同斬於閭闔門外懸首於斛斯椿門樹先是洛中謠曰云云

至是
並驗

三月末四月初楊灰簸土覓真珠

頭去項脚根齊驅上樹不須梯

後魏宣武存明時謠

北史曰孝武帝永熙三年遇酖而崩初宣武孝明間

謠曰云云識者以爲索謂魏本索髮焦梨狗子指宇文泰泰小字黑獺也

狐非狐貉非貉焦梨狗子齧斷索

東魏童謠

魏紀曰存武帝既入關渤海王高歡議立清河王子善見以奉明帝之後

是爲孝靜皇帝遷都於鄴爲東魏自是軍國政務皆歸相府先是童謠曰云云按青雀子

謂靜帝實清河王之世子鸚鵡謂齊神武即高歡也後竟為齊所滅

可憐青雀子飛來鄴城裏羽翮垂欲成化作鸚鵡子

東魏鄴都謠

隋書五行志曰魏孝靜帝始移都于鄴時有童謠按李靜帝清河王

之子也后則齊神武之女鄴都宮室未備即逢禪代作窠未成之驗也孝靜尋崩文宣以后為太原長公主降於楊愔時神武妻后尚在故言寄書於婦母新婦子斥后也

可憐青雀子飛入鄴城裏作窠猶未成舉頭失鄉里寄

書與婦母好看新婦子

東魏武定中童謠

隋書五行志曰武定中有童謠按高者齊姓也澄文裏名

五年神武崩摧折之應七年
丈裏為盜所害澄滅之徵也

百尺高竿摧折水底然燈澄滅

東魏末童謠

北史齊本紀曰後魏末文宣未受
禪時有童謠按藻然兩頭于丈為

高河邊殺獼為水邊羊指帝
名也於是徐之才勸帝受禪

一束藻兩頭然河邊殺獼飛上天

謠言

北史蕭寶夤本齊明帝子奔魏歷雍州刺
史將有異圖問柳楷楷引謠言遂反被誅

鸞生十子九子鰕一子不鰕關中亂

明帝名
子鸞

府君頌

北史曰呂顯字子明皇始初拜
鉅鹿太守清身奉公百姓頌之

時惟府君克清克明緝我荒土人胥樂生願壽無疆以享長齡

諺

詰汾諺

北史曰北魏聖武皇帝諱詰汾嘗田于山澤歛見輜輶自天而下既至見美婦

人自稱天女受命相偶旦日請還期年復會于此言終而別及暮帝至先田處果見天女以所生男授帝曰此君之子也當世為帝王即始祖神元皇帝也故時人諺曰

詰汾皇帝無婦家力微皇帝無舅家

神元諱力微

百姓語

北史太武將北征發驢運糧使元軌部調雍州軌令驢主皆加絹一匹民語曰

驢無疆弱輔脊自壯

皇宗語

魏書曰陽平王子欽字思若少好學早有令譽時人語曰

皇宗畧壽安思若

兄頤初名安壽衍字安樂

諺

魏書曰李彪領御史中丞解著作事後因求復舊職乃表修魏史引諺曰

一日不書百事荒蕪

三王語

後魏書曰濟南王元彧與從兄安豐王延明中山王熙齊名時人為之語曰

三王楚楚盡琳琅未若濟南偕圓方

王家語

魏書曰崔光為肅宗講孝經王道業預講安豐王延明錄義時人語曰

英英濟濟王家兄弟

崔楷語

魏書曰楷字季則仕歷中郎將性嚴烈能摧挫豪強故時人語曰

莫獬獬付崔楷

鄉里語

北史房景伯弟亡蔬食終喪暮不內御次弟景先亡幼弟景遠亦不內寢鄉里

語曰

有義有禮房家兄弟

鄴下語

北史李渾與弟繪緯俱為聘使主緯位中散大夫聘梁頗為稱職鄴下語曰

學則渾繪緯口則繪渾

俗語

北史邢巒仕安東將軍宣武詔巒攻鍾離巒以為必無克狀且俗語云云

耕則問田奴絹則問織婢

貪人語

後魏書曰靈太后幸左藏賜布絹儀同陳留公李崇章武王融並以所負多顛

仆於地崇乃傷腰融至損脚時人為之語曰

陳留章武傷腰折股貪人敗類穢我明主

李波小妹語

魏書曰廣平人李波宗族強盛殘掠不已公私咸患百姓為之語曰

李波小妹字雍容褰裳逐馬如卷蓬左射右射必疊雙

婦女尚如此男子安可逢

刺史李安世設方畧誘波等殺之州內肅然

楊公語

魏書曰楊津行定州事賊每來攻津于城中置爐鑄鐵持以灌賊賊相語曰

不畏利桀堅城惟畏楊公鐵星

袁祖語

北史曰祖瑩與陳郡袁翻齊名秀出時人為之語曰

京師楚楚袁與祖洛陽翩翩祖與袁

李謚語

北史曰李謚初師事小學博士孔璿數年後璿還就謚請業同門生為之語曰

青出藍藍謝青師何常在明經

中郎語

三國典畧曰東魏崔暹子達孥年十三暹令儒者教其說周易兩字乃集朝貴

名流達孥升高坐開講趙羣睦仲讓陽屈服之暹大悅擢仲讓為司徒中郎鄴下為之語

解義兩行得中郎

唐將語

北史曰唐永有將帥才正光中為北地太守與賊數十戰未嘗敗北時人語曰

莫陸梁恐爾逢唐將

時人語

北史大統初馮翊王元季海領軍獨孤信鎮洛陽于時人物唯柳蚪在陽城裴

諷在潁川乃俱徵之以蚪為行臺郎中諷為北府屬並掌文翰時人為之語曰

北府裴諷南府柳蚪

瑤光寺語

洛陽伽藍記曰瑤光寺世宗宣武皇帝所立永安三年中爾朱兆入洛陽

縱兵大掠時有秀容胡騎數十人入寺淫穢自此後頗獲譏諷京師語曰

洛陽女兒急作髻瑤光寺尼奪女壻

下四條並伽藍記

白墮語

河東有劉白墮善釀飲之香美而醉經月不醒永熙中南青州刺史毛鴻賓齎

酒之蕃路逢賊盜飲之即醉皆被擒獲游俠語曰

不畏張弓挾刀唯畏白墮春醪

伊洛語

洛水南四通市伊洛之魚多于此賣士庶須臾皆詣取之魚味甚美京師語曰

伊洛鯉魴貴於牛羊

上高里語

洛陽城東北有上高里殷之頑民所居處也高祖名聞義里遷京之始朝

士住其中迭相譏刺竟皆去之唯有造瓦者止其內京師瓦器出焉世人語曰

洛城東北上高里殷之頑民昔所止今日百姓造甕子

人皆棄去住者恥

京師語

白馬寺漢浮屠前柰林葡萄異於餘處味並殊美帝熟時常詣取之京師語曰

白馬甜榴一實直牛

老嫗語

河間王環婢朝雲善吹簫能為團扇歌隴上聲琮為秦州刺史羗叛屢討不勝

令朝雲假為貧女吹簫而乞羗聞之流涕曰何故捨墳井在山谷為寇耶即降秦民語曰

快馬健兒不如老嫗吹簫

北齊

歌
鄭公歌

北史鄭述祖天保中為兗州刺史述祖之父道昭嘗為兗州刺史故百姓歌之

大鄭公小鄭公相去五十載風教猶尚同

邯鄲郭公歌

樂府廣題曰北齊後主高緯雅好傀儡謂之郭公時人戲為郭公歌

及將敗果邯鄲高郭聲相近九十九未數也
滕口鄧林也大兒謂周帝太祖子也高岡後

主姓也雄雞類武成小字也後
敗於鄧林盡如歌言蓋語妖也

邯鄲郭公九十九技兩漸盡入滕口大兒緣高岡雉子

東南走不信吾言時當看歲在酉

崔府君歌

北齊書崔伯謙除濟北太守乃改鞭用熟皮為之有朝貴過郡境問人太

守治政對曰府君恩化因誦民為歌客曰既
稱恩化何由復威曰長吏憚威民庶蒙惠

崔府君能治政易鞭鞭布威德民無爭

謠

惠化謠

北齊書神武西討竇泰自潼關入為周文帝所殺初泰將發鄴有惠化尼謠云

實行臺去不回

泰為御史中尉

童謠

北齊書武明太后病內史令呼太后為石婆蓋有俗忌故改名初童謠云云徐之才

曰跋求伽胡言去已豹祠嫁石婆豈有好事
斬冢作媒人但令合葬自斬冢唯得紫綬靴
者紫之為字此下系綬者熟當四月中靴
者草旁化寧是久物至四月一日后崩

周里跋求伽豹祠嫁石婆斬冢作媒人唯得一量紫綬

靴

北齊文宣時謠

北史本紀曰文宣時謠按帝以
午年生故曰馬子三臺石季龍

舊居故曰石室三千六百日十
年也文宣在位十年果如謠言

馬子入石室三千六百日

北齊廢帝時童謠

三首北史曰楊愔齊文宣時
尚太原公主位至驃騎大將

軍文宣大漸愔與侍中燕子獻黃門侍郎鄭
子默並受遺詔時常山長廣二王位地親逼
愔等與可朱渾天和深相疎忌並為所害先
是童謠云羊為愔也角文為用刀道人謂廢
帝小名太原公主嘗作尼故曰阿廢姑愔
子獻天和皆尚帝姑故曰道人姑夫云

白羊頭髦秃殺懸頭生角

羊羊喫野草不喫野草遠我道不遠打爾腦

阿麼姑禍也道人姑夫死也

白見謠

北史曰初孝昭之誅楊愔也謂武成云事成以汝為皇太弟及立子百年為皇

太子武成不平欲有異謀先是童謠云云時丞相府在北城中即舊中興寺也見翁謂雄雞蓋指武成小字步落稽也道人濟南王小名也打鐘言將被擊也孝昭尋崩武帝即位

中興寺內白見翁四方側聽聲雍雍道人聞之夜打鐘

童謠

北齊書曰神武穆太后凡孕六男二女皆感夢孕文襄則夢一斷龍孕文宣則夢大

龍首尾屬天地張口動目勢狀驚人孕孝昭則夢蠕龍于地孕武成則夢龍浴于海孕魏

二后並夢月入懷孕襄城博陵二王夢鼠入衣下后未崩有童謠云云及后崩武成緋袍如故未幾登三臺置酒作樂帝女進白袍帝怒投諸臺下帝于昆季次實九蓋其徵驗也

九龍母死不作孝

魏世謠

北齊書曰河間王孝琬武成時和士開祖珽譖之帝初魏世謠言云云珽說曰

河南河北河間也金雞鳴孝琬將建金雞而大赦帝頗惑之後竟殺焉

河南種穀河北生白楊樹頭金雞鳴

謠言

北齊書陽子術曰謠言云云四八天之大數主上之祚恐不過此武成崩年三十二

盧十六稚子拍頭三十二

武成後謠

三國典畧曰周平齊齊幼主胡太后並歸于長安初武成殂後有童謠云

調甚悲苦至是應馬一云北齊太上時童謠果作藥券作家

千錢買果園中有芙蓉樹破券不分明蓮子隨他去

北齊後主武平初童謠

隋書五行志曰武平元年童謠按其年四月隴

東王胡長仁謀遣刺客殺和士開事露反為士開所譖而死

狐截尾你欲除我我除你

武平中童謠

隋書五行志曰武平二年童謠小兒唱訖一時拍手云殺却至七月

二十五日御史中丞瑯琊王儼執士開送於南臺而斬之

和士開七月三十日將你向南臺

又謠

隋書五行志曰是歲又有童謠七月士開被誅九月琅瑯王遇害十一月趙彥深出

為西州刺史北史彥深引暴連猛知機事祖珽奏言前推瑯瑯王有意出猛定州彥深西

兗州

七月刈禾傷早九月喫糕正好十月洗蕩飯甕十一月

出却趙老

北史云七月刈禾太早九月噉糕未好本欲尋山射虎激箭旁中趙老

後主時謠

北齊書曰斛律光為當時名將與祖珽穆提婆積怨周將韋孝寬忌光英

勇乃作謠言令間諜漏其文於鄴曰百升云云又曰高山云云珽因續之曰盲老公云云

穆提婆聞之告其母陸令萱遂相與協謀以謠言啟後主誅光周武帝始有滅齊之志竟平其國按百升者斛也明月光字也高山謂齊齊姓高也盲老公謂珽珽先因罪失明也饒舌老母謂令萱即後主乳母

百升飛上天明月照長安高山不推自崩櫛木不扶自

豎盲老公背上下大斧饒舌老母不得語

升一作斗推一作推

高山崩櫛樹舉盲老公背上下大斧多事老母不得

語

北齊書祖珽傳載此

鄴下童謡

北史先是鄴下童謡云云和士開謂入上臺後瑯琊王送士開就臺斬之

至是
果驗

和士開當入臺

武平末童謠

隋書五行志曰武平末有童謠時
穆后母子淫辟干預朝政時人患

之穆后小字黃花尋
逢齊亡欲落之應也

黃花勢欲落清尊但滿酌

南史作滿盃酌後主自
立穆后昏飲無度故云

北齊末鄴中童謠

隋書五行志曰北齊末鄴中
有童謠末幾齊為周所滅周

都關中故
云西家也

金作掃帚玉作把淨掃殿屋迎西家

諺

時人語

北史齊文襄入輔居鄴下崔暹崔季舒崔昂等並被任用張亮張徽纂並為神

武待遇然皆出陳元康下時人為之語曰

三雀二張不如一康

訛言

北齊書蘭京子欽害齊王高澄王自投傷足入于床下賊黨去床因而見殺先是訛

言曰

軟脫帽床底喘

鳳池語

北史曰趙彥深諷朝廷以子叔堅為中書侍郎頗招物議時馮子琮子慈明祖

珽子君信並相繼居中書故時語云

馮祖及趙穢我鳳池

時人言

北史北齊武成時唐邕
白建方貴時人言云

并州赫赫唐與白

鄙諺

北齊書曰瑯琊王儼執和士開送御史臺
斬之遂率京畿軍士屯千秋門帝率宿衛

者將出戰斛律光曰小兒輩弄兵與交手即
亂鄙諺云云至尊宜自至千秋門瑯琊必不
敢動後
主從之

奴見大家心死

親表語

北史胡長榮任趙州刺史性好內有一
侍婢其妻王驕妬手刺殺之為此忿恨

數年不見親
表為之語曰

自我不見于今三年

此本詩語

臺中語

北齊書曰宋游道廣平人為殿中侍御史臺中語曰

見賊能討宋遊道

陰生語

北齊書曰賈思伯遷南青州刺史初思伯與弟思休師事北海陰鳳受業竟無

資酬之鳳遂質其衣服時人為之語及思伯之部送遺鳳因具車馬迎之時人稱歎焉

陰生讀書不免癡不識雙鳳脫人衣

蘇宋語

北史曰宋世軌齊天保中為大理少卿執獄寬平多所全濟大理正蘇珍之以

平幹知名時人以
為二絕寺中語曰

決定嫌疑蘇珍之視表見裏宋世軌

蘇珍之

北齊書蘇瓊字珍之為
廷尉正京師為之語曰

斷決無疑蘇珍之

陸入語

北史陸人於五經最精熟
館中謂之石經人語曰

五經無對有陸入

時人語

北史北齊裴讓之與弟諏之及皇甫
和弟亮並知名于洛下時人語曰

諏勝於讓和不如亮

祖裴語

三國典畧曰裴讓之十七舉秀才為屯田郎中與祖珽俱聘宋邢邵省中語曰

多奇多能祖孝徵能賦能詩裴讓之

裴讓之

北史讓之魏天平中舉秀才累遷屯田主客郎中省中語曰

能賦詩裴讓之

陽休之好學愛文藻時人為之語曰能賦詩陽休之

崔李語

隋書曰武城崔儵與頓丘李若俱見稱重時人為之語曰齊人後入隋

京師灼灼崔儵李若

識詩

二首北史陸法和本傳曰法和書其所居屋壁而塗之及剝落有文二首

十年天子為尚可百日天子急如火周年天子迭代坐

隋書五行志曰時文宣帝享國十年而崩廢帝嗣立百餘日用替厥位孝昭即位一年而崩此其驗也

一母生三天兩天共五年

妻太后生三天子自孝昭即位至武成傳位後主共五年

北周

歌

周宮歌

隋書五行志曰周宣帝與宮人夜中連臂踴蹀而歌云云帝即位二年崩

自知身命促秉燭夜行遊

謠

周初童謠

隋書五行志曰周初有童謠按靜帝隋氏之甥既遜位而崩諸舅強盛

白楊樹頭金鷄鳴祇有阿舅無外甥

祇一作裁

玉漿泉謠

隋書曰豆盧勣周武帝時為渭州刺史有惠政華夷悅服大致祥瑞鳥鼠

山俗呼為高武隴其山絕壁千尋由來乏水
諸羌苦之勅馬足所踐忽飛泉湧出有白鳥
翔止廳前乳子而後去民為
之謠後因號其泉曰玉漿泉

我有丹陽山出玉漿濟我民夷神烏來翔

民夷一作夷人翔一作出

諺

裴漢語

周書裴漢補墨曹參軍漢善尺牘尤便簿領理識明贍決斷如流相府為之語

曰

日下采爛有裴漢

于公語

隋書曰于仲文字次武北周時為遷安太守州刺史屈突尚宇文護之黨也先

坐事下獄無敢繩者仲文至郡窮治遂竟其獄蜀中為之語曰

明斷無雙有于公不避強禦有次武

隋

歌
枯樹歌

北史曰王劭隋文帝時為著作郎上表言符命曰陳留老子祠有枯柏世傳云

老子將度世云待枯柏生東南枝迴指當有聖人出吾道復行至齊枯柏從下生枝東南上指夜有三童子相與歌曰云云及至尊牧亳州親至祠樹之下自是柏枝回抱其枯枝漸指西北道教果行考校衆事太平主出于亳州陳留之地皆如所言

老子廟前古枯樹東南枝如繖聖主從此去

枝隋書作狀

長白山歌

北史曰來整榮國公護兒之子也尤驍勇善撫御射擊羣賊所向皆捷諸

賊歌
之

長白山頭百戰場十五五把長鎗不畏官軍十萬衆

只怕榮公第六郎

十一
作千

挽舟者歌

海山記曰煬帝御龍舟夜半聞歌者甚悲帝遣人求之不得

我兒征遼東餓死青山下令我挽龍舟又困隋堤道方
今天下饑路糧無些小前去三千程此身安可保寒骨
枕荒沙幽冤泣煙草悲損門內妻望斷吾家老安得義
男兒爛此無主屍引其孤冤回負其白骨歸

送別詩

崔瓊東虛記曰此詩作于大業末年實指煬帝巡游無度播紳瘁况已甚下逮

閭閻而佞人曲士播弄威福欺君上以取榮貴上二句盡之又謂民財窮窘至是方有五

子之歌之憂而望其返國也

楊柳青青着地垂楊花漫漫攪天飛柳條折盡花飛盡

借問行人歸不歸

謠

煬帝時并州童謠

北史曰漢王諒反為楊素所敗幽死先是童謠曰云云時

偽署官告身皆一紙別授則二紙諒聞謠喜曰我幼字阿容量與諒同音吾于皇家最小

以為應之

一張紙兩張紙容量小兒作天子

大業中童謠

隋書五行志曰煬帝大業中童謠其後李密坐楊玄感之逆為史所

拘在路逃叛潛結羣盜自陽城山而來襲破洛口倉後復屯兵苑內莫浪語密也宇文化及自號許國尋亦破滅誰道許者蓋驚疑之辭也

桃李子鴻鵠遠陽山宛轉花林裏莫浪語誰道許

杞州謠

北史隋侍御史柳彧上表論上柱國和于子前在趙州閭于職務政由羣小賄

賂公行百姓吁嗟歌謠滿道乃云

老禾不早殺餘種穢良田

童謡

北史梁主蕭琮自江陵徵入朝拜柱國後有童謡云云煬帝忌之遂廢于家

蕭蕭亦復起

諺

長安語

北史曰崔弘度隋仁壽中為太府卿性嚴酷官屬百工莫敢欺隱時有屈突蓋

為武侯車騎亦嚴刻長安為之語曰

寧飲三斗醋不見崔弘度寧灸三斗艾不逢屈突蓋

樊安定語

隋書曰樊叔畧陳留人仕周封清鄉縣公隋受禪進爵安定郡公相州刺

史政為當時第一百姓為之語曰

智無窮清鄉公上下正樊安定

貝州語

隋書庫狄士文授貝州刺史法令嚴肅吏人股戰有京兆韋焜為貝州司馬河

東趙達為清河令二人並苛刻唯長史有惠政時人為之語曰云云上聞而歎曰士文之

暴過于猛獸竟坐死

刺史羅利政司馬蝮蛇瞋長史含笑判清河生喫人

諸生語

北史呂思禮東平壽張人年十四受學於徐遵明長于論難諸生為之語曰

講書論易鋒難敵

釋奴龍子

隋書曰盧昌衡小字龍子風神澹雅容止可法博涉經史工草行書從弟

思道小字釋奴宗中俱稱英妙故幽州為之語曰

盧家千里釋奴龍子

鄙諺

隋書曰長孫平為工部尚書時有人告大都督郿紹非毀朝廷者上怒將斬之平進

諫曰鄙諺曰云云此言雖小可以喻大于是赦紹

不癡不聾未堪作大家翁

北史作不堪

前諺

隋書冀州俗重氣俠好結朋黨故班志述其上風悲歌慷慨椎剝掘冢亦自古之所

患焉前諺云


仕宦不偶遇冀部

語

隋書魏郿鄴都所在浮巧成俗雕刻之工特云精妙士女被服咸以奢麗相高其所尚習

得京洛之風矣語曰
云云斯皆輕狡所致

魏郡清河天公無奈何



古樂苑卷四十九

欽定四庫全書

集部

古樂苑卷

五十二

詳校官編修_臣李堯棟

主事銜_臣徐以坤覆勘

總校官降調編修_臣倉聖脉

校對官主事_臣陳文樞

謄錄監生_臣邵洪繼

欽定四庫全書

古樂苑卷五十

明梅鼎祚編

禠曲歌辭

歌謡語附

此既不屬諸調且世代莫詳亦無名氏都為一卷附志闕疑

古艷歌

詩紀題云古詩收漢

行行隨道經歷山陂馬啖柏葉人啖柏脂不可長飽聊

可過飢

古豔歌

孔雀東飛苦寒無衣為君作妻中心惻悲夜夜織作不得下機三日載足尚言吾遲

鷄鳴歌

樂府廣題曰漢有雞鳴衛士主鷄唱宮外舊儀宮中與臺並不得畜雞晝漏盡

夜漏起中黃門持五夜甲夜畢傳乙乙夜畢傳丙丙夜畢傳丁丁夜畢傳戊戊夜是為五更未明三刻鷄鳴衛士起唱漢書曰高帝圍項羽垓下羽是夜聞漢軍四面皆楚歌應劭曰楚歌者鷄鳴歌也晉太康地記曰後漢固始銅陽公安細陽四縣衛士習此曲于闕下歌之今鷄鳴歌也然則此歌蓋漢歌也按周禮鷄人掌大祭祀夜嘑旦以詔百官則所起

亦遠矣

東方欲明星爛爛汝南晨鷄登壇喚曲終漏盡嚴具陳

月沒星稀天下旦千門萬戶遞魚鑰宮中城上飛烏鵲

黃門倡歌

漢書禮樂志曰成帝時鄭聲尤甚黃門名倡丙彊景武之屬富顯于世隋

書樂志曰漢樂有黃門鼓吹天子宴羣臣之所用也

佳人俱絕世握手上春樓點黛方初月縫裙學石榴君

王入朝罷爭競理衣裘

此似齊梁間語

樂辭

祝穆曰窮袴襦也蓋漢人語吳兢編此在十九首後詩紀此與西洲長干休洗紅附

晉

綉幙圍香風耳節朱絲桐不知理何事淺立經營中愛
惜加窮袴防閑託守宮今日牛羊上邱隴當年近前面
發紅

西洲曲

樂府作古辭玉臺
新本作江淹非

憶梅下西洲折梅寄江北單衫杏子紅雙鬢鴉雛色西
洲在何處兩槳橋頭渡日暮伯勞飛風吹烏白樹樹下
即門前門中露翠鈿開門郎不至出門採紅蓮採蓮南

塘秋蓮花過人頭低頭弄蓮子蓮子青如水置蓮懷袖
中蓮心徹底紅憶郎郎不至仰首望飛鴻鴻飛滿西洲
望郎上青樓樓高望不見盡日欄干頭欄干十二曲垂
手明如玉卷簾天自高海水搖空綠海水夢悠悠君愁
我亦愁南風知我意吹夢到西洲

長干曲

逆浪故相邀菱舟不怕搖妾家揚子住便弄廣陵潮

于闐採花

于闐古于闐國居蔥嶺北二百餘里漢唐以來皆入貢

山川雖異所草木尚同春亦如溱洧地自有採花人

沐浴子

深身經蘭汜濯髮僚芳洲折榮聊躑躅攀桂且淹留

澤雉

古今樂錄曰鳳將
雛以澤雉送曲

擅場延繡頸朝飛弄綺翼飲啄常自在驚雄恒不息

舍利佛

金繩界寶地珍木蔭瑤池雲間妙音奏天際法蟲吹

摩多樓子

從戎向邊北遠行醉密親借問陰山候還知塞上人

休洗紅 二首

休洗紅洗多紅色淡不惜故縫衣記得初按舊人壽百年能幾何後來新婦今為婆

休洗紅洗多紅在水新紅裁作衣舊紅番作裏迴黃轉綠無定期世事返復君所知

歎疆場

樂苑曰歎疆場宮調曲也詩紀云此下三首考樂府前後皆唐人之詩或唐作

也

聞道行人至妝梳對鏡臺淚痕猶尚在笑靨自然開

塞姑

昨日廬梅塞口整見諸人鎮守都護三年不歸折盡江
邊楊柳

回紇曲

樂苑曰回紇商調曲也楊慎云其詞纏綿含蓄有長歌之哀過於痛哭之意惜

不見作者名氏必陳隋初唐之作也

陰山瀚海信難通幽閨少婦罷裁縫緬想邊庭征戰苦

誰能對鏡冶愁容久戍人將老須臾變作白頭翁

第二句闕

二字信一作
使治一作治

石州辭

自從君去遠巡邊終日羅帷獨自眠
看花情轉切攪涕淚如泉
一自離君後啼多雙臉穿
何時狂虜滅免得更留連

淫豫歌

此下至樊道謠並襍歌謠詩紀附在晉後云世代莫詳古今樂錄曰晉宋以後

有淫豫歌鄺道元水經注曰白帝山城水門之西江中有孤石名淫預石水冬出二十餘大夏則沒亦有裁出焉江水東逕廣溪峽乃三峽之首也峽中有瞿塘黃龕二灘夏水回

復泝所忌國史補曰蜀之三峽最號峻急
四月五月尤險故行者歌之淫豫或作豔豫

豔預大如馬瞿塘不可下

灩澦大如牛瞿塘不可流

同前

淫預大如馬瞿唐不可下淫預大如象瞿唐不可上

同前

豔預大如襍瞿唐不可觸金沙浮轉多桂浦忌經過

升菴

詩話曰此舟人商估刺水行舟之歌樂府以為梁簡文
所作非也蜀江有瞿唐之患桂江有桂浦之險故涉瞿

唐者則準濫襍涉桂浦者則準金沙今樂府桂浦作桂楫非也按樂府本為桂浦上說原載通志

巴東三峽歌

二首鄺道元水經注曰巴東三峽謂廣溪峽巫峽西陵峽也三峽七

百里中兩岸連山畧無闕處重巖疊嶂隱蔽天日非亭午夜分不見日月宜都山川記曰自黃牛灘東入西陵界至峽口一百許里山水紆曲林木高茂猿鳴至清山谷傳響泠泠不絕行者聞之莫不懷土故漁者歌曰

巴東三峽巫峽長猿鳴三聲淚沾裳

巴東三峽猿鳴悲猿鳴三聲淚沾衣

同前

見水經注

灘頭白勃堅相持倏忽淪沒別無期

武陵人歌

黃閣武陵記曰有綠羅山側巖垂水懸蘿百里許得明月池碧潭鏡徹百

尺見底素巖若雪松如挿翠流風叩阿有絲桐之韻土人為之歌曰

仰茲山兮迢迢層石構兮嗟我朝日麗兮陽巖落景梁
兮陰阿郭壑兮生音吟籟兮相和敷芳兮綠林恬淡兮
潤波樂茲潭兮安流緩爾擢兮詠歌

梁一作陽

綿州巴歌

豆子山打瓦鼓揚平山撒白雨下白雨取龍女織得絹

二丈五一半屬羅江一半屬玄武

三峽謠

水經注曰峽中有灘名曰黃牛灘南岸重嶺疊起最外高崖間有色如人負刀

牽牛人黑牛黃既人跡所絕莫得究焉此巖既高加湍江紆迴雖途逕信宿猶望見此物故行者謠曰云云言水路行深迴望如一矣

朝見黃牛暮見黃牛三朝三暮黃牛如故

水經注作朝發黃牛暮宿

牛黃

夔道謠

益州記曰瀘水源自岷羅雨峯有殺氣暑月舊不行故武侯以夏渡為艱瀘水

又下合諸水而總其目焉故有瀘江之名矣自朱提至夔道有水步道有黑水羊官水至

嶮難三津之阻行者
苦之故俗為之語曰

槲溪赤水盤蛇七曲盤羊鳥攏氣與天通

三秦記民謠

武功太白去天三百孤雲兩角去天一握山水險阻黃

金子午蛇盤鳥攏勢與天通

華陽國志注黃金谷在洋縣本漢黃金戍張魯築西

魏置黃金縣子午道在洋縣東百六十里舊在金州梁王神念別開此道諺云山水險阻黃金子午

隴西謠

郎樞女樞十馬九駒安陽大角十牛九犢

四地名皆在隴西言宜畜

牧也

紇其語

郡國志云望之數百里內夏恒積雪故
彼人語曰云云又有神泉人歌曰云云

紇其山頭凍死雀何不飛去生處樂

紇其山頭有神井入地千尺絕骨冷

古樂苑卷五十

欽定四庫全書

古樂苑卷五十一

明 梅鼎祚 編

僊歌曲辭

謠諺附

霞唱雲謠丹圖綠字列仙真誥具有其文即不無
後世依托而其指緣祕檢語率玄超亦被筦絃是
名天樂今取其為歌吟者附錄于斯若彼神
仙步虛鳳簫龍笛之屬代多作者前已類次

方回語

列仙傳曰方回堯時隱人也堯聘以為
閭士練食雲母亦與民人有病者隱於

五柞山中夏啟末為宦士為人所劫閉之室
中從求道因化而得去更以方回掩封其戶

時人曰 夏啟
一作夏桀時

得方回一九泥塗門戶終不可開

綏山謠

列仙傳曰葛由者羌人也周成王時好刻木羊賣之一旦騎羊而入西蜀蜀中

王侯貴人追之上綏山隨之者不復還皆得仙道故里諺曰

得綏山一桃雖不得仙亦足以豪

周宣王時採薪人歌

列仙傳曰周宣王時郊聞採薪之人行歌時人莫能

知之老君曰此活國中人人其語秘矣斯皆修習無上真正之道也

巾金巾入天門呼長精歛玄泉鳴天鼓養泥丸

真仙通鑑曰長

桑公子者常散髮行歌曰巾金巾入天門呼長精吸玄
泉鳴天鼓養丹田柱下史聞之曰彼長桑公子所歌之
詞得服五星
守洞房之道

乞食公歌

三一經曰楚莊公時市長來子常
灑掃一市時有乞食公入市經日乞

而歌一市人無解歌者獨來子忽悟疑是仙
人乃師乞食公棄官追逐積十三年公遂授
以中仙之道來子今在中嶽乞食公者西嶽
真人馮延壽周宣王時史官也手為天馬鼻

下為
山源

天庭發雙華山源障陰邪清晨按天馬來詣太真家真
人無耶隱又以滅百魔

天庭是兩眉之間眉之角也山
源是鼻下人中之本側在鼻下

小入谷中也華庭在兩眉之下是徹視之津梁天真足引靈之上房旦中暮怕咽液三九過急以手三九陰按之以為常令致靈徹視杜過萬邪之道也

漢初童謡

雲笈七籤西王母傳曰漢初有四五小兒戲于路中一兒歌曰云云時人

莫知唯張子房知之乃往拜焉曰此乃東玉公之玉童也仙人得道昇天當揖金母而拜木公也自非冲虛登真之子莫知其津矣

著青裙入天門揖金母拜木公

赤雀辭

列仙傳曰陶安公者六安鑄冶師也數行火火一旦散上行紫色衝天安公伏

治下求哀須臾朱雀止治上曰云云至期赤龍到大雨而安公騎之東南上

安公安公治與天通七月七日迎汝以赤龍

長安中謠

列仙傳曰陰長生者長安中渭橋下乞兒也常止于市中乞市人厭苦以

糞灑之旋復在里中衣不見污長吏知之械收繫著桎梏而續在市中乞入械欲殺之乃去灑者之家室自壞殺十餘人故長安中謠曰

見乞兒與美酒以免破屋之咎

西王母宴漢武帝命法嬰歌玄靈之曲

二首漢武帝內

傳曰元封元年七月七日西王母降于漢宮王母自設天厨精妙非常酒觴數遍王母命諸侍玉女作樂命法嬰歌玄靈之曲乃遣侍女招上元夫人夫人至自彈雲琳之琴歌步

方之

曲

大象雖廓廖我把天地戶披雲沈靈與倏忽適下土空
洞成玄音至靈不容治太真噓中唱始知風塵苦願神
三田中納精六闕下遂乘萬龍椿馳騁盼九野

玄圃過北臺五城煥嵯峨啟彼無涯津泛此織女河仰
止升絳庭下遊月窟阿顧盼八落外指招九雲遐忽不
覺心榮豈吾少與多撫璫命衆女詠歌發中和妙暢自
然樂為此玄雲歌韶盡至韻存真音辭無邪

上元夫人歌步玄之曲

上元夫人道君弟子也亦玄古以來得道總統

其真籍亞于龜臺金母所降之處多使侍女相聞以為賓侶焉

昔涉玄真道騰步登太霞負笈造天關借問太上家忽

過紫微垣真人列如麻深景清飈起雲蓋映朱葩蘭宮

敞朱闕碧空起瑤沙丹臺結空構睟睟生光華飛鳳蹕

霓峙燭龍倚委蛇玉胎來絳芝九色紛相拏挹景練仙

骸萬劫方童牙唯言壽有終扶桑不為查

空起藝文作室啟

西王母又命侍女田四妃答歌

晨登太霞宮挹泚把玉蘭夕入玄元闕采藥掇琅玕濯
足匏瓜河織女立津盤吐納挹景雲味之當一餐紫微
何濟濟瑤輪服朱丹朝發汗漫府暮宿勾陳垣去去道
不同且各體所安二儀設猶存奚疑億萬椿莫與世人
說行尸言此難

漢武帝車子侯歌

洞仙傳曰車子侯者扶風人漢武帝愛其清淨稍遷其位

至侍中一朝語家云我今補仙官此春應去
至夏中當暫還還少時復去如其言武帝思
之乃作歌漢武帝集曰奉車子侯暴病一日
死上甚悼之乃自為歌詩藝苑卮言曰幽蘭

秀華的
為傳語

嘉幽蘭兮延秀華妖嬈兮中塘華斐斐兮麗景風裊回
兮流芳皇天兮無慧至人逝兮仙鄉天路遠兮無期不
覺涕下兮霑裳

蘇耽歌

蘇耽桂陽人少以至孝著稱一日白母
道果已圓升舉有日母曰吾獨恃爾爾

去吾何依耽乃留一櫃封鑰甚固若有所需
告之如所願也預為植橘鑿井及郡人大疫
但食一橘葉飲一泉水即愈而後一鶴降郡
屋久而不去郡僚子弟彈之鶴乃舉足畫屋

若書字

焉辭曰

鄉原一別重來事非甲子不記陵谷遷移白骨蔽野青

山舊時翹足高屋下見羣兒我是蘇仙彈我何為翻身

雲外却返吾居

一云耽騎白鶴來止郡城東北樓上人或挾彈彈之鶴以爪櫻樓板似漆書云

城郭雖是人民非二百甲子
一來歸我是蘇仙彈我何為

丁令威歌

見雲笈七籤搜神記曰遼東城門有華表柱忽有一白鶴集柱頭時有少

年舉弓欲射之鶴乃飛裊回空中而言遂高
上冲天今遼東諸丁云其先世有昇仙者不

知名
字

有鳥有鳥丁令威去家千歲今來歸城郭如故人民非

何不學仙塚壘壘

洞仙傳曰丁令威者遼東人少隨師學得仙道分身任意所欲嘗雙歸化

為白鶴集郡城門華表柱頭言曰我是丁令威去家千歲今來歸城郭如舊人民非何不學仙離塚壘遼東諸丁譜載令威漢初學道得仙修文殿御覽所引云城郭是人民非何不學仙去空伴塚壘

張麗英石鼓歌

金精山記曰漢時張芒女名麗英面有奇光不照鏡但對白紈

扇如鑑馬長沙王吳芮聞其異質領兵來聘女時年十五聞芮來乃登此山仰卧披髮覆于石鼓之下人謂之死芮使人往視之忽見紫雲鬱起遂失女所在石上留歌一首至今石鼓一處黑色直下狀女垂髮時人號為張女髮

石鼓石鼓悲哉下土自我來觀民生實苦哀哉世事悠

悠我意我意不可辱兮王威不可奪余志有鸞有鳳自
歌自舞凌雲歷漢遠絕塵羅世人之子其如我何暫來
期會運往即乖父兮母兮無傷我懷

歌舞二字疑倒

衛羅國王女配瑛靈鳳歌

洞玄本行經曰西方衛羅國王有女字曰

配瑛與鳳共處于是靈鳳常以羽翼扇女面後十二年中女忽有胎王意恠之因斬鳳頭埋著長林丘中女後生女名曰皇妃王女思靈鳳之遊好駕而臨之長林丘中歌曰云云是鳳鬱然而生抱女俱飛逕入雲中

杳杳靈鳳綿綿長歸悠悠我思永與愿違萬劫無期何

時來飛

葛仙公歌

三首真仙通鑑仙公諱玄字孝先句容人生而秀穎天才超軼名振江左

州郡辟為掾固辭乃入赤城山精思學道赤鳥七歲八月十五日白日昇天弟子鄉朋攀戀不已于是仙公駐駕空中賦五言歌詩三篇降付鄉朋普令歌誦開悟方來

真人昔遺教愍念孤癡子
嬖邪不信道禍亂由斯起
身隨朝露晞悔恨何有已
罪大不可掩流毒將誰理
冥冥未出期劫盡方當止
轉輪貧賤家仍復為役使
四體或不完蹢躅行乞市
不知積罪報怨天神不恃大道常無

為弘之由善始吾今獲輕舉修行立功爾三界盡稽首
從容紫宮裏傳駕虛元中人生如流水臨別屬素翰粗
標靈妙記

我今便昇天愍念諸儒英大道體虛無寂寂中有精視
之若冥昧窈窕中昭明莫言道虛誕所患不至誠奚不
登名山誦是洞真經一諷而一詠玄音徹太清太上輝
金容衆仙齊應聲十方散香花燔煙梅檀馨皇城奏九
韶鸞鳳諧和鳴龍駕翳空迎華蓋曜杳冥脩閑却仞臺

帝釋欽降庭八王奉丹液挹漱身騰輕逍遙有無間流
朗絕形名神童俠侍側自然朝萬靈飄飄八景輿遊衍
白玉京七祖昇福堂先亡悉超生王侯能篤信必為天
下貞大人體至德一切蒙其成

散誕遊山水吐納靈和津鍊氣同希夷靜詠道德篇至
心宗玄一冥感今乃宣飛駕御九龍飄飄乘紫煙華景
曜空衢紅雲擁帝前暫迂蓬萊宮倏忽已賓天偉衆
真會渺渺凌重玄體固無終劫金顏隨日鮮歡樂太上

境悲念一切頑誰能離死壞結是冥中緣悠悠成至道
無有入無間微妙良難測智者謂我賢若能弘衆妙輕

舉昇神仙

太一作亡
頑一作人

四真人降魏夫人歌

真仙通鑑曰魏夫人齋于別寢忽有太極真人方諸

青童扶桑神王清虛真人來降授夫人八索
隱書黃庭等經于是四真吟唱各命玉女彈
琴擊鐘吹簫合節而發太極發排空之歌青
童吟太霞之曲神王諷晨啟之章清虛詠駕
歛之辭

太極真人歌

丹明煥上清八風鼓太霞迴我神霄輦遂造玉嶺阿咄
嗟天地外九圍皆吾家上採日中精下飲黃月華靈觀
空無中鵬路無間邪顧見魏賢安濁氣傷爾和勤研玄
中思道成更相過

九圍一作圓圓賢安
夫人字更一作矣

方諸青童歌

太霞扇晨暉九氣無常形玄轡飛霄外八景乘高
清手把玉皇袂攜我晨中生盼觀七曜房朗朗亦冥冥超哉
魏氏子有心復有精玄挺自嘉會金書東華名賢安密

所研相期暘谷汧

太霞扇晨暉一作七霞扇
晨暘暘谷汧一作洛陽宮

扶桑神王歌

晨啟太帝室夕越匏瓜水碧海飛翠波連峯亦嶽峙浮
輪雲濤際九龍同轡起虎旗鬱霞津靈風幡然理華存
久樂道遂致高神擬拔徙三緣外感會乃方始相期陽

洛宮道成攜魏子

虎一作羽華
存夫人名

清虛真人歌

二首

歟駕控清虛襄回西華館瓊林既神杪虎旂逐煙散慧

風振丹旂明燭朗八煥解襟墉房裏神鈴鳴籥祭棲景

若林柯九絃玄中彈遺我積世憂釋此千年歎怡暝無

極已於夜復待旦

瓊林既神杪一作華館璞輪張
墉一作仙柯一作阿絃一作氣

紫霞僊玄空神風無網領歛然滿八區僊爾豁靈境八

憲無常朗有冥亦有炁洞觀三丹田寂寂生形景凝神

泥丸內紫房何蔚炳大帝命我來有以應神挺相遇女

弟子雲姿卓鑠整愧無郢石運益彼自然穎勤密攝生

道泄替結災昔靈期自有時攜袂陟松嶺

風一作方僊
一作祝靈境

一作虛靜
丹一作景

王母贈魏夫人歌

西王母傳曰紫虛元君魏華存夫人清齋于陽洛隱元之

臺西王母與金闕聖君降于臺中乘八景輿同詣清虛上官傳玉清隱書四卷授華存是時三元夫人馮雙禮紫陽左仙石路成太極高仙伯延蓋公子西成真人王方平太虛真人南嶽赤松子桐柏真人王子喬等並降夫人小有清虛上官絳房之中時夫人與王君為賓主焉設瓊酥綠酒金觴四奏各命侍女陳曲成之鈞于是王母擊節而歌

駕我八景輿歛然入玉清龍旌拂霄漢虎旂攝朱兵逍遙玄津際萬流無暫停哀此去留會劫盡天地傾當盡

無中景不死亦不生體彼自然道寂觀合太冥南嶽挺
真幹玉映輝穎精有任靡期事虛心自受靈嘉會絳河
曲相與樂未央

漢一作上精一
作開期一作其

雙禮珠彈雲璈而答歌

玉清出九天神館飛霞外霄臺煥差戾靈夏秀蔚翳五
華興翠華八風扇綠氣仰吟消魔詠俯研智與慧萬真
啟晨景唱期絳房會挺穎德音子神映乃拂沛天嶽凌
空樣洞臺深幽邃遊海悟井隘履真覺世穢僻輪宴重

空釜魚自然廢迴我大椿羅長謝朝生世

高仙盼遊洞靈之曲

玉皇人命歛生入隱室見
上清元君龜山君于是二

真乃各命侍女王延賢于廣運等彈雲林琅
玕之璈安德音范四珠擊昆明之筑左抱容
韓賢賓吹鳳鸞之簫趙運子李慶王拊流金
之石辛白鵲鄭辟方燕婉來田雙連等四人

合歌

玉室煥東霞紫輦浮絳宸華臺何盼目此宴飛天元清
靜太無中眇眇躡景遷吟詠大洞章唱此三九篇曲寢
大漠內神王方寸間寂室思靈暉何事苦林山須臾變

衰翁迴為孩中顏

太上宮中歌

此歌正言耳目之經也
南嶽夫人喻許長史

手把八雲氣英明守二童太真握明鏡鑒合日月鋒雲
儀拂高闕驕女坐玄房愈行愈鮮盛英靈自爾通

雲林與衆真吟詩十首

真誥翼真檢曰併衿接
景楊安以灼然顯說凡

所興有待無待諸詩及辭喻諷旨皆是雲林
應降嬪僊侯事義並亦表著而南真自是訓
授之師紫微則下教之匠並不闕儔結之例
但中侯昭靈亦似別有所在既事未一時故
不正的的爾其餘男真或陪從所引或職司
所任至如二君最為領據之主令人讀此辭

事若不悟斯理者永不領其
旨故畧標大意宜共鑒之

駕歟教八虛回宴東華房阿母延軒觀朗嘯躡靈風我
為有待來故乃越滄浪

右英王夫人歌

乘飈遡九天自駕三秀嶺有待裴回盼無待故當淨滄
浪奚足勞孰若越玄井

右紫微夫人荅英歌

寫我金庭館鮮駕三秀畿夜芝披華鋒咀嚼充長飢高

唱無逍遙各興無待歌空同酬靈音無待將如何

鋒謂應作

峰字

右桐柏山真人歌

王子喬

朝遊鬱絕山夕偃高暉堂振轡步靈鋒無近於滄浪玄

井三仞際我馬無津梁儵歟九萬間八維已相望有待

非至無靈音有所喪

鋒謂應作峯字

右清靈真人歌

裴玄仁

龍旂舞太虛飛輪五嶽阿所在皆逍遙有感興宴歌無

待愈有待相遇故得和滄浪奚足遼玄井不為多鬱絕
尋步間俱會四海羅豈若絕明外三劫方一過

右中侯夫人歌

縱酒觀羣惠倏忽四落周不覺所以然實非有待遊相
遇皆歡樂不過亦不憂衆影玄空中兩會自然疇

右昭靈李夫人歌

駕歛發西華無待有待間或眇五岳峯或濯天河津釋
輪尋虛舟所在皆纏綿芥子忽萬頃中有須彌山小大

固無殊遠近同一緣彼作有待來我作無待親

右九華安妃歌

無待太無中有待大有際大小同一波遠近齊一會鳴
絃玄霄顛吟嘯運八氣奚不酣靈液眇目娛九喬有無
得玄運二待亦相益

右太虛南岳真人歌

赤松子

偃息東華靜揚軒運八方俯眇丘垤間莫覺五岳崇靈
阜齊淵泉大小互相從長短無少多大椿須臾終奚不

委天順縱神任空同

右方諸青童君歌

控飈扇太虛八景飛高清仰浮紫宸外俯看絕落冥玄
心空同問上下弗流停無待兩際中有待無所營體無
則能死體有則攝生東賓會高唱二待奚足爭命駕玉
錦輪僂轡仰裴回朝遊朱火宮夕宴夜光池浮景清霞
杪八龍正參差我作無待遊有待輒見隨高會佳人寢
二待互是非有無非有定待待各自歸

東賓東嶽上
卿大茅君也

右南極紫元夫人歌

紫微夫人歌

真誥翼真檢曰紫微夫人名青娥字愈音王母第二十女也晉興寧

三年降楊羲之家按紫微夫人詩共十七首而此下三首為歌故聊摘入

龜闕鬱巍巍壙臺落月珠列坐九靈房叩璫吟太無玉

簫和我神金醴釋我憂

九月三日

又

宴酣東華內陳鈞千百聲青君呼我起折腰希林庭羽

帔扇翠暉玉佩何鏗零俱指高宸寢相期象中冥

紫微歌此

紫微夫人歌此

考真誥當是丙寅二月三十日此亦叙方諸東華之勝也

褰裳濟深河遂見扶桑公高會太林墟賞宴玄華宮信
道苟淳篤何不棲東峯

四月十四日夕右英夫人吟歌此曲

雲林右英夫人名媚

蘭字申林王母第十三女受書為雲林宮右英夫人晉興寧三年諸真同降于楊君按共

詩二十五首今

亦僅取為歌者

玄波振滄濤洪津鼓萬流駕景眇六虛思與佳人遊妙

唱不我對清音與誰投雲中騁瓊輪何為塵中趨

方諸宮東華上房靈妃歌曲

楊君記曰東方赤氣中有言曰小鮮

未烹鼎言我巖下悲當以此事諮啟司命故荅稱此詩仍及下篇也

紫桂植瑤園朱華聲悽悽月宮生藥淵日中有瓊池左
拔員靈曜右掣丹霞暉流金煥絳庭八景絕煙迴綠蓋
浮明朗控節命太微鳳精童華顏琳腴充長飢控晨揖
太素乘歛翔玉墀吐納六虛氣玉嬪把巾隨彈璫南雲
扇香風鼓錦披叩商百獸舞六天攝神威倏忽億萬椿

齡紀鬱巍巍小鮮未烹鼎言我巖下悲

太微玄清左夫人北停宮中歌曲

停一作淳
晉興寧三年

乙丑十二月十七日夜太元真人司命君書
出此詩云是青童宮中內房曲恒吟讚此和

神

鬱謁非真墟太無為我館玄公豈有懷縈蒙孤所難落
鳳控紫霞矯轡登晨岸寂寂無濠涯暉暉室中觀隱芝
秀鳳丘逡巡瑤林畔龍胎嬰爾形八瓊迴素旦琅華繁
玉宮結葩凌巖梁鵬扇絕億領拊翮扶霄翰西庭命長

歌雲璈乘虛彈八風纏綠宇叢煙豁然散靈童擲流金
太微啟璧案三元折腰舞紫皇揮袂讚朗朗扇景曜暎
眊長庚煥超駟聳明刃下眊使我惋顧哀地仙輩何為

棲林澗

庭一作度

杜廣平常喜歌

一章杜契字廣平京兆杜陵人建安初渡江依孫策黃武二年

學道隱

居華陽

淳景翳廣林暖日東霞升晨風舞六煙勃鬱八道騰五
嶽何必秀名山亦足陵矯首躡洞阜棲心潛中興吐納

胎精氣玄白誰能勝

保命君告許虎牙者三官保命司茅思和

保命

敬玄子歌

洞仙傳曰敬玄子者修行中部之道存道守三一常歌曰

遙望崑崙山下有三項田借問田者誰赤子字元先上
生爲靈木雙闕夾兩邊日月互相照神路帶中間採藥
三微嶺飲漱華池泉遨遊十二樓偃蹇步中原意欲觀
絳宮正值子丹眠金樓凭玉几華蓋與相連顧見雙使
者博著太行山長谷何崢嶸齊城相接鄰縱我飛龍轡
忽臨無極淵黃精生泉底芝草披岐川我欲將黃精流

丹在眼前衰徊飲流丹羽翼奮迅鮮意猶未策外子喬

提臂牽所經信自險所貴得神仙

鳥一作二
問一作天

郭四朝扣船歌

四首符秦時人見雲笈七籤洞
仙傳曰郭四朝者燕人也秦時

得道來句曲山南所住處作塘過澗水令深
基塹垣墻今猶有可識處四朝乘小船遊戲

其中每扣
船歌曰

清池帶靈岫長林鬱青葱玄鳥翔幽野悟言出從容鼓

楫乘神波稽首希晨風未獲解脫期逍遙丘林中

晨風
謂上

清玉晨之風非毛詩所
稱鵠彼晨風之鳥也

浪神九陔外研道遂全真哉此靈鳳羽藏我華龍鱗高

舉方寸物萬吹皆垢塵顧哀朝生蟪孰盡汝車輪

女寵不蔽

席男愛不盡輪朝生蟪蛄也以喻人之在世易致消歇

蟪一作輦

遊空落飛颺靈步無形方圓景煥明霞九鳳唱朝陽揮

翩扇天津晻藹慶雲翔遂造太微宇挹此金梨漿逍遙

玄陔表不存亦不亡

玄陔九陔也皆八極之外九霞之頂名也飛登木星亦云朗東陽之

陔故若士語盧敖云與汗漫期于九陔之上也

駕欵舞神霄披霞帶九日高皇齊龍輪遂造九華室神

虎洞瓊林風雲合成一開闔幽冥戶靈變玄跡滅

四朝為玉

臺執蓋郎故云高皇齋
龍輪風雲一作香風

李仙君歌

見桓真人昇仙記蜀華蓋山李桓仙
君授道桓飢真人仙君一日謂飢曰

金丹大藥子得之矣飛步隱身諸訣
汝皆洞曉但未聞大道耳遂歌曰

金鼎天門開反童復嬰孩日月照崑崙真君自然來三
年結黃雲千日成聖胎九年登金闕一紀升三台龍虎
自然交上帝安金臺衆神仰天表忻慕心喪回子今受
靈文專心如死灰積功十二年功畢登雲梯白光生圓

象紫氣冲雲霓端虛念太乙浩劫天地齊

桓真人唱詩

桓真人昇仙記曰陶隱居先生謂弟子曰予夜夢神光滿室彩雲連

霄有金甲神人謂予曰明日有異人至汝當掃門待之日午桓凱真人果至披髮跣足唱

曰詩

黃花生紫雲日月周天輪混混太虛中不與衆生羣崑崙十二峯上帝朝萬巡一日功行滿升空謁元君

武夷君人間可哀之曲

陸鴻漸武夷山記云武夷君地官也相傳每于

八月十五日大會村人于武夷山上置幔亭化虹橋通山下村人既往是日太極玉皇太

姝魏真人武夷君三座空中告呼村人爲魯
孫汝等若男若女呼坐乃命鼓師張安凌等
作樂行酒令歌師彭令昭
唱人間可哀之曲其詞曰

天上人間兮會合疎稀
日落西山兮夕鳥歸飛
百年一餉兮志與願違
天宮咫尺兮恨不相隨

內經真諺

子欲夜書當修常居

肩後小穴中爲上元六合之府主
化生眼暉如瑩精光長珠徹童保

鍊目神是真人坐起之
上道一名曰真人常居

長生諺

真誥曰楊羲夢遊蓬萊山會蓬萊仙公
洛廣休既下山半見許主簿相逢於夾

石之問公語主簿曰吾為汝置酒四升在山
上可佳飲之此太平家酒治人腸也諺曰

欲得長生飲太平

古樂苑卷五十一

欽定四庫全書

古樂苑卷五十二

明 梅鼎祚 編

鬼歌曲辭

謠語附

鬼歌詩者斯為志怪述異耳彼其取精已多游魂
為變著於聲響單及歌吟宇宙大矣抑豈必盡誣
誕哉今亦摘錄以
庶夫存而不論焉

紫玉歌

搜神記曰吳王夫差小女名玉悅童子
韓重欲嫁之不得乃結氣而死重游學

歸往弔之玉形見於墓
側顧重延頸而歌曰

南山有鳥北山張羅意欲從君讒言孔多悲結成疹沒
命黃壚命之不造寃如之何羽族之長名為鳳皇一日
失雄三年感傷雖有衆鳥不為匹雙故見鄙姿逢君輝
光身遠心近何曾暫忘

意欲一作志願命一作身見
去聲近一作邇魯一作當

郭長生吹笛歌

幽明錄曰永嘉中太山民巢氏
先為相縣令居在晉陵家婢採

薪忽有一人追隨婢還家不使人
見與婢宴飲輒吹笛而歌歌云

閒夜寂已深長笛亮且鳴若欲知我者姓郭字長生

王敬伯宛轉歌

晉書曰王敬伯會稽餘姚人為
衛佐休假還鄉過吳維舟渚中

昇亭而宿是夜月華露輕敬伯鼓琴感劉惠
明亡女告敬伯就體如平生敬伯撫琴而歌
女乃和之

低露下深幕垂月照孤琴空絃益霄淚誰憐此夜心

歌宛轉情復哀願為煙與霧氛氲同共懷

亦見續齊諧記已載前琴

歌中無王敬伯前歌
女歌小異今復載此

青溪小姑娘歌

二首吳均續齊諧記曰會稽趙文
韶宋元嘉中為東扶侍解在青溪

中橋秋夜步月悵馬思歸乃倚門唱烏飛曲
忽有青衣年十五六許詣門曰女郎聞歌聲
有悅人者逐月游戲故遣相問文韶都不之
疑遂邀暫過須臾女郎至年可十八九許容

色絕妙謂文韶曰聞君善歌能為作一曲否
文韶即為歌草生磐石下聲甚清美女郎顧
青衣取笙篴鼓之泠泠似楚曲又令侍婢歌
繁霜自脫金簪叩笙篴和之婢乃歌曰云云
留連宴寢將旦別去以金簪遺文韶文韶亦
贈以銀盃及琉璃乙明日于青溪廟中得之
乃知昨所見青溪神女也按干寶搜神記曰
廣陵蔣子文嘗為秣陵尉因擊賊傷而死吳
孫權時封中都侯立廟鍾山異
苑曰青溪小姑蔣侯第三妹也

日暮風吹葉落依枝丹心寸意愁君未知

歌闋夜已久繁霜侵曉幕何意空相守坐待繁霜落

廬山夫人女婉撫琴歌

祖台志恠曰建康小吏
曹著見廬山夫人夫人

命女姚與著相見姚見著欣悅命婢瓊林
取琴出姚撫琴歌曰云云歌畢姚便還去

登廬山兮鬱差我睇陽風兮拂紫霞招若人兮濯靈波
欣良運兮暢雲柯彈鳴琴兮樂莫過雲龍會兮樂太和

陳阿登彈琴歌

幽明錄曰句章人至東野還暮
不至門見路傍有小屋燈火因

投寄止宿有一小女不欲與丈夫共宿呼鄰
家女自伴夜共彈琴笙篴至曉此人謝去問
其姓字女不答彈琴而歌曰云云明至東郭
外有賣食母在市中此人寄坐因說昨所見
母聞驚曰是我女
近死葬于郭外

連綿葛上藤一緩復一絙欲知我名姓陳名阿登

陵欣歌

異苑曰建康陵欣景平中死于揚州作部尅辰當葬作部督夢欣云今為獄公

妹祖夕有期莫由自反勞君解謝令得放遣督不信夜後又夢言辭轉切因歌一曲云督

覺為謝從此便絕

生時世上人死作獄中鬼不得還墳墓死沒有餘罪

聶包鬼歌

劉叔敬異苑曰臨川聶包死數年忽詣南豐相沈道襲共飲其歌笑甚有

倫次每歌云

花盈盈正聞行當歸不聞死復生

鬼仙歌謠

出異苑

登阿儂孔雀樓遥聞鳳皇鼓下我鄒山頭髣髴見梁魯

燉煌父老夢語

晉書曰涼後主歆字士業嗣父盛為涼公領涼州牧護羗校尉

士業立而宋受禪聞沮渠蒙遜南伐禿髮擄檀士業率步騎三萬攻張掖與蒙遜距戰為蒙遜所害先是有燉煌父老令狐熾夢白頭公衣衾而謂熾曰云云言訖忽不見士業小字桐稚至是而亡

南風動吹長木胡桐推不中轂

窻呼祁孔賓

晉書曰祁嘉字孔賓酒泉人少清貧好學年二十餘夜牕中有聲呼

曰云云旦而逝去西至燉煌依學官誦書遂博通經傳精究大義西遊海渚教授門生張

重華徵為儒林祭酒在朝卿士郡縣
守令受業者二十餘人竟以壽終

祁孔賓祁孔賓隱去來隱去來修飾人世甚苦不可諧
所得未毛銖所喪如山崖

相輪鈴音

晉書曰劉曜自攻洛陽石勒將救之
羣下咸諫以為不可勒以訪佛圖澄

澄曰相輪鈴音云云此偈語也支秀軍也替
戾岡出也僕谷劉曜胡位也劬禿當捉也此
言軍出捉得曜也勒
遂赴洛距曜生擒之

秀支替戾岡僕谷劬禿當

鬼謠

異苑曰句章吳平門前忽生一株青桐樹
上有謠歌之聲平惡而砍殺平隨軍北虜

首尾三載死桐嶽自還立於故根上又
聞樹巔空中歌曰云云平尋歸如鬼謠

死樹今更青吳平尋當歸適聞殺此樹已復有光輝

鐵回歌

顏之推
冤冤志

桃李花嚴霜當奈何桃李子嚴霜落已

犬妖歌

述異記曰嘉興縣朱休之有一弟宋元
嘉中兄弟對坐家有一犬來向休之蹲

遍視二人遂搖頭而笑曰云云其家驚懼斬
犬榜首路側至來歲梅花時兄弟相鬪弟奮
戰傷兄官收治並被罔繫經歲得
免至夏舉家時疾母及兄弟皆死

言我不能歌聽我歌梅花今年故復可奈汝明年何

鳥妖詩

南史曰陳之將亡有鳥一足集其殿庭以觜畫地成文曰云云解者以為獨足

蓋指後主獨行無衆茂草言荒穢也隋承火
暉草得火而後灰及後主至長安館于郿水

臺所謂上高臺當

水開者其言皆驗

獨足上高臺茂草變為灰欲知我家處朱門當水開



古樂苑卷五十二